


22.238
7772.1
= 10



五代史記卷第十二

廬陵歐陽修撰

南昌彭元瑞注

周本紀第十二

四年春正月己丑朔赦非死罪囚

五代史顯德四年春正月己丑朔帝御崇


元殿受朝賀仗衛如儀詔天下見禁罪人除大辟外一切釋放壬寅兵部尚書張昭上言奉詔編修太祖實錄及梁唐二末主實錄伏以撰漢書者先為項籍編蜀記者首序劉璋貴神器之傳授有因歷數之推遷得序伏緣漢隱帝君臨在太祖之前其歷試之績並在隱帝朝內請先修隱帝實錄以全太祖之故事功又以唐末主之前有閔帝在位四月出奔于衛亦未編紀請修閔帝實錄其清泰帝實錄請書為廢帝實錄從之丁未淮南道招討使李重進破淮賊五千人于壽州北先是李景遣其弟偽齊王達率全軍來援壽州達畱駐濠州遣其將



北京師範大學圖書館藏

徐無黨原注

劉鳳誥排次



許文縝邊鎬朱元領兵數萬沂淮而上至紫金山設十
 餘砦與城內烽火相應又築夾道數里將抵壽春為運
 糧之路至是為重進所敗戊申詔來月幸淮南五代
 會要四年正月兵部尚書張昭奏奉敕編修太祖實錄
 及梁唐二末主實錄今請令國子祭酒尹拙太子詹事
 劉温叟同編修伏緣漢隱帝君臨太祖之前其歷試之
 績並在漢隱帝朝內請先修隱帝實錄又梁末主之上
 有郢王友珪篡弒居位未有紀錄請依宋書劉劭例書
 為元兇友珪其末主請依古義書曰後梁實錄又唐末
 主之前有應順帝在位四月出奔亦未編紀請書為前
 廢帝清泰主為後廢帝二月甲戌王朴畱守東京乙亥
 其書並為實錄從之

南征 五代史二月庚申以前工部侍郎王敏為司農卿
 南道行營都監向訓奏破淮賊二千餘于黃著若甲戌
 以樞密副使王朴為權東京畱守兼判開封府以三司
 使張美為大內都巡檢乙亥車駕發京師乙酉次下蔡
 五代會要周顯德四年二月詔曰文武百寮起今後
 每遇入閣日三月丁未克壽州原注不書劉仁瞻降事
 賜廊下食

降故書周自克之爾克者難取之名也壽難取則見仁
 瞻之節著不書死者仁瞻自以病死以其守節至死故
 列之死節傳五代史三月庚寅旦帝率諸軍駐于紫
 金山山下命今上率親軍登山擊賊連破數砦斬獲數千
 斷其來路賊軍首尾不相救是夜賊將朱元朱仁裕孫
 璘各舉砦來降降其眾萬餘人翼日盡陷諸砦殺獲甚
 眾擒賊大將建州節度使許文縝前湖南節度使邊鎬
 其餘黨泐流東奔帝自率親騎泐淮北岸追賊及捕馳
 二百餘里至鎮淮軍殺獲數千人奪戰艦糧船數百艘
 錢帛器仗不可勝數甲午詔發近縣丁夫城鎮淮軍仍
 構浮梁于淮上廬州都部署劉重進奏殺賊三千人于
 壽州東山口皆紫金山之潰兵也戊戌授宣徽南院使
 淮南節度使向訓為徐州節度使充淮南道行營都監
 卽命屯鎮淮上已亥帝自鎮淮軍復幸下蔡壬寅賜淮
 南降軍許文縝邊鎬已下萬五百人衣服錢帛有差丙
 午壽州劉仁瞻上表乞降帝遣閣門使張保續入城慰
 撫翼日仁瞻復令子崇讓上表請罪戊申幸壽州城北
 劉仁瞻與將佐已下及兵士萬餘人出降帝慰勞久之
 恩賜有差庚戌詔移壽州于下蔡以故壽州為壽春縣
 是日曲赦壽州管內見禁罪人自今月二十一日已前

凡有過犯並從釋放應歸順職員並與加恩壽州管界
去城五十里內放今年秋夏租稅自來百姓有曾受江
南文字聚集山林者並不問罪如有曾相傷害者今後
不得更有相讐及經官論訴自用兵已來被擄却骨肉
者不計遠近並許本家識認官中給物收贖曾經陣敵
處所暴露骸骨並仰收拾埋瘞自前政令有不利于民
者委本州條例聞奏當行釐革辛亥以偽命清淮軍節
度使檢校太尉兼侍中劉仁贍為特進檢校太尉兼中
書令鄆州節度使以右羽林統軍楊信為壽州節度使
是日劉仁贍卒壬子以江南偽命西北面行營都監使
舒州團練使朱元為蔡州防禦使以江南偽命文德殿
使壽州監軍使周延構為衛州防禦使以江南偽命壽州營
田副使孫羽為太僕卿以壽州節度判官鄭牧為鴻臚
卿賞歸順也癸丑追奪前許州行軍司馬韓倫在身官
爵配流沙門島倫侍衛軍指揮使令坤之父也令坤
領陳州倫在州干預郡政培斂之暴公私患之為項城
民武都等所訟帝命殿中侍御史率汀就按之倫詐報
汀云準詔赴闕汀即奏之帝愈怒遽令追劾盡得其實
故有是命遣左諫議大夫尹日就于壽州開倉賑饑民丙辰車駕發下蔡還京夏四月己巳至

自壽州已卯放降卒八百歸于蜀癸未追冊彭城郡夫

人劉氏為皇后五代史夏四月己巳車駕至自下蔡辛未以江南偽命西北面行營應援使前

永安軍節度使檢校太尉許文績為左監門衛上將軍
檢校太尉以偽命西北面行營應援都軍使前武安軍
節度使邊鎬為左千牛衛上將軍檢校太傅丙子宰臣
李穀以風痺經年上章請退凡三上章不允丁丑斬內
供奉官孫延希于都市御厨使董延勛副使張皓武德
副使盧繼昇並停職時重修永福殿命延希督役上見
役夫有就瓦中噉飯以柿為匕者大怒斬延希而罷延
勛等壬午故彭城郡夫人劉氏追冊為皇后癸未故皇
子贈左驍衛大將軍誼再贈太尉追冊為皇太子故皇
子贈左驍衛大將軍誼再贈太尉追冊為皇太子故皇
左武衛大將軍誠再贈太保追冊為皇太子故皇第五
衛大將軍誠再贈太保追冊為皇太子故皇太子故皇
贈太傅追冊為皇太子故皇太子故皇太子故皇太子
王故皇第三妹樂安公主追冊為皇太子故皇太子故
妹永寧公主追冊為皇太子故皇太子故皇太子故皇
將軍守愿再贈左衛大將軍故皇從弟贈左千牛衛將
奉超再贈右衛大將軍故皇從弟贈左千牛衛將軍

再贈右武衛大將軍甲申以先降到江南兵士團結為
三十指揮號懷德軍 五代會要四年四月以先降到
江南兵士分為六軍共三 五月丙申殺密州防禦使侯
十指揮賜號為懷德軍

希進 五代史五月丁亥朔帝御崇元殿受朝仗衛如式
已丑以新修永福殿改為廣政殿辛卯以端午賜

文武百寮衣服書始也癸巳侍衛親軍都指揮使宋州
節度使充淮南道行營都招討李重進加檢校太傅兼

侍中以宣徽南院使淮南節度使向訓為徐州節度使
加檢校太尉同平章事丙申斬密州防禦副使侯希進

于本郡時太常博士張紉檢視本州夏苗移牒希進分
檢希進以不奉朝旨不從紉具事以聞帝怒遣使斬之

丁酉以滑州節度使兼殿前都點檢駙馬都尉張永德
為澶州節度使加檢校太尉以今上為滑州節度使加

檢校太保依前殿前都指揮使今上以三年十月宣授
同州節度使未於正衙宣制至是移鎮滑臺故自永州

防禦使授焉以侍衛馬軍都指揮使洋州節度使韓令
坤為陳州節度使加檢校太傅以權侍衛步軍都指揮

使岳州防禦使袁彥為曹州節度使加檢校太保並典
軍如故已亥以左神武統軍劉重進為鄧州節度使以

虎捷左廂都指揮使閬州防禦使趙晁為河陽節度使
以兗州防禦使白延遇為同州節度使辛丑宰臣范質

李穀王溥並加爵邑改功臣樞密使魏仁浦加檢校太
傅進封開國公辛亥知廬州行府事劉重進奏相次殺

敗賊獲戰船三十艘壬子以宣徽北院使吳延祚為宣
徽南院使權西京畱守判河南府事是月詔中書門下

差官詳定格律中書門下奏差侍御史知雜事張湜等
一十人詳定侯畢日委御史臺尚書省四品已上兩省

五品已上官參詳可否送中書門下議定奏取進止從
之六月丁巳前濠州刺史齊藏珍以罪棄市已未以責

授耀州司馬鍾謨為衛尉少卿賜紫帝既誅孫晟尋竄
謨為耀州既而悔之故有是命辛酉西京奏伊陽山谷

中有金屑民淘取之詔勿禁乙酉詔在朝文資官再舉
堪為令錄從事者各一人五代會要四年六月敕一

應在朝文資官各令再舉一人堪充令錄及兩使防禦
團練軍事判官者自前或因公過微有殿犯者亦許稱

舉餘準顯德二年正月 秋五代史秋七月丁亥以前徐
二 十一日御札處分 秋五代史秋七月丁亥以前徐

令武行德為左衛上將軍死者數百人帝懲其僨軍之咎
既而為淮寇所襲王師死者數百人帝懲其僨軍之咎

既而為淮寇所襲王師死者數百人帝懲其僨軍之咎

既而為淮寇所襲王師死者數百人帝懲其僨軍之咎

故以環衛處之以前河陽節度使李繼勳為右衛大將軍
 責壽春南砦之敗也壬辰以刑部尚書王易為太子
 少保致仕以右監門衛上將軍蓋萬為左衛上將軍致
 仕已酉司農卿王敏卒甲辰詔曰準令諸論田宅婚姻
 起十一月一日至三月三十日止者州縣爭論舊有釐
 革每至農月貴塞訟端近聞官吏因循由此成弊凡有
 訴競故作逗遛至時而不與盡辭入務而即便停罷強
 猾者因茲得計孤弱者無以自伸起今後應有人論訴
 陳辭狀至二月三十日權停若會要周顯德四年七月
 不可停滯者不拘此限五代會要周顯德四年七月
 承狀至今後應有人論訴物業婚娶自十一月一日後許
 逐須見定奪了絕其本處官吏如敢違慢並當重責其
 縣不得與理如是交相侵奪情妨害不可停滯者不
 拘此 八月乙亥李穀罷王朴為樞密使癸未蜀人來歸
 我濮州刺史胡立 五代史八月乙卯朔兵部尚書張昭
 上疏望準唐朝故事置制舉以罩英

才帝覽而善之因命昭具制舉合行事件條奏以聞丙
 辰以太常卿田敏為工部尚書以太子賓客司徒詡為
 太常卿辛未詔在朝武班各舉文武勇膽力堪為軍職者
 一人甲戌賜左監門上將軍許文績右千牛上將軍邊
 鎬右衛大將軍王環衛尉卿周延構太府卿馮延魯太
 僕卿鄭牧鴻臚卿孫羽衛尉少卿鍾謨工部郎中何幼
 沖各冬服絹二百匹綿五百兩文績已下皆吳蜀之士
 也乙亥宰臣李穀罷相守司空加食邑實封穀抱疾周
 歲累上表求退至是方允其請以樞密副使戶部侍郎
 王朴為樞密使檢校太保癸未前濮州刺史胡立自偽
 蜀迴蜀主孟昶寓書于帝其末云昶昔在齟齬即離并
 都亦承皇帝鳳起晉陽龍興汾水合叙鄉關之分以陳
 玉帛之歡儻蒙惠以嘉音佇望專馳信使謹因胡立行
 次聊陳感謝披述云初王師之伐秦鳳也以立為排陣
 使既而為蜀所擒及秦鳳平得降軍數千人其後帝念
 其懷土悉放歸蜀至是蜀人知感故歸立于我昶本生
 于太原故其書意願與帝推鄉里之分帝怒其抗禮不
 答九月甲申朔宰臣王溥樞密使王朴皆丁內艱並起
 復舊位以侍衛馬步軍都指揮使宋州節度使李重進
 為鄆州節度使典軍如故已丑以前翰林學士禮部侍

郎竇儀為端明殿學士依前禮部侍郎 冊府元龜四年九月丁未天清節百辟上壽如儀賜內外臣寮衣有

差冬十月己巳王朴留守東京三司使張美為大內都

點檢壬申南征 五代史冬十月丙辰賜京城內新修四

左藏庫使符令光棄市時帝再議南征先期敕令光廣

造軍士袍襦不即辦集帝怒命斬之時宰臣等至庭救

解帝起入宮遂戮于都市令光出勳閥之後歷職內庭

以清慎自守累總繁劇甚有廉幹之譽帝素重其為人

每加委用至是以小過見誅人皆冤之戊午詔懸制科

凡三其一曰賢良方正能直言極諫科其二曰經學優

深可見任職官黃衣草澤并許應詔時兵部尚書張昭條

奏請與制舉故有是命癸亥河東偽命麟州刺史楊重

訓以城歸順授重訓本州防禦使檢校太傅戊辰詔取

月內車駕暫幸淮上已已以樞密使王朴為權東京留

守以前鄆州節度使張美為大內都點檢王辰駕發京師壬午

使向訓為宋州節度使郭從義為徐州節度使以內客省使咎

居潤為宣徽北院使權東京留守丙戌車駕至濠州城

下戊子親破十八里灘砦在濠州東北淮水之中四面

阻水破其砦擄其戰艦而迴癸巳帝親率諸軍攻濠州

奪關城破水砦賊眾大敗焚戰艦七十餘艘斬首二千

級進軍攻羊馬城丙申夜偽濠州團練使郭廷謂上表

陳情且言家在江南欲遣人稟命于李景從之辛丑帝

自濠州率大軍水陸齊進循淮而下命今上率精騎為

前鋒癸卯大破淮賊于渦口斬首五千級收降卒二千

餘人奪戰船三百艘遂鼓行而東以追奔寇晝夜不息

於淮城柵所至皆下乙巳至泗州今上乘麾軍焚郭門

奪月月城帝親冒矢石以攻其壘丙午日南至從臣拜賀

于月城之上五代會要周顯德四年十月詔曰制策

懸科前朝盛事莫不訪賢良於側陋求讜正於箴規殿

廷之間帝王親試其或大裨於國政有益於時機則必

待以優恩縻之好爵拔奇取異無尚於茲得士者昌於

是乎在爰從近代久廢此科懷才抱器者鬱而不伸隱

耀韜光者晦而不出遂致翹翹之楚多至於棄捐皎皎

之駒莫就於縻繫遺才滯用闕孰甚焉應天下諸色人

吏理達於教化者不限前資見任職官黃衣草澤並許
應詔其逐處州府依每年貢舉人式例差官考試解送
尚書吏部仍量試策論三道共三千字已上當日內取
文理具優人物爽秀方得解送取來年十月集上都其
登朝官亦許上表自舉先是兵部尚
書張昭上章請設制科故有是詔
十二月乙卯泗州

守將范再遇叛于唐以其州來降庚申濠州團練使郭

廷謂以其州來降原注身居其地而來降者書附再遇

不書附而書降廷謂不丁丑取泰州五代史十二月乙

書叛事見南唐世家

遇以其城降授再遇宿州團練使戊午帝自泗州率眾

東下命今上領兵行於南岸與帝夾淮而進已未至清

口追及淮賊軍行鼓譟之聲聞數十里辛酉至楚州西

北大破賊眾水陸俱奔有賊船數艘順流而逸帝率驍

騎與今上追之數十里今上擒賊大將偽保義軍節度

使江北都應援使陳承昭以獻收獲舟船除焚盪外得

三百餘艘將士除殺溺外得七千餘人初帝之渡淮也

比無水戰之備每遇賊之戰棹無如之何敵人亦以此

自恃有輕我之意帝即于京師大集工徒修成艘艦踰

歲得數百艘兼得江淮舟船遂令所獲南軍教北人習

水戰出沒之勢未幾舟師大備至是水陸皆捷故江南

大震壬戌偽命濠州團練使郭廷謂以城歸順乙丑雄

武軍使崔萬迪以漣水歸順丙寅以郭廷謂為亳州防

禦使以偽命濠州兵馬都監陳遷為沂州團練使以偽
命保義軍節度使陳承昭為右監門上將軍江南李景
遣兵驅擄揚州士庶渡江焚其州郭而去丙子故同州
節度使白延遇贈太尉故濠州刺史唐景思贈武清軍
節度使丁丑秦州平五代春秋丁巳四年二月乙亥
帝南征次下蔡壽州來降四月己巳帝至自
南征十月壬辰帝南征濠泗秦三州來歸

五年春正月丁亥取海州壬辰取靜海軍丁未克楚州

隆平集馬仁瑀傳世宗征淮南登楚州水寨飛樓距城

百步城卒詬罵左右射莫能及召仁瑀至應弦而斃

守將張彥卿鄭昭業死之原注自四年十二月辛酉攻
克之其不走不降可知故予其死本紀書死者十餘人
宋令詢及李遐彥卿昭業皆以事迹不完不能立傳然

所貴者死爾本紀著其大節可矣 五代史顯德五年
 春正月癸未朔帝在楚州城下從臣詣行宮稱賀乙酉
 降同州為郡右驍衛將軍王環卒丙戌右龍武將軍王
 漢璋奏攻海州戊子詔諸道幕職州縣官並以三周年
 為考限閏月不在其內州府不得差攝官替正官云已
 丑詔侍衛馬軍都指揮使韓令坤權知揚州軍府事庚
 寅發楚州管內丁壯開鶴河以通運路乙巳帝親攻楚
 州時今上在楚州城北晝夜不解甲胄親冒矢石麾兵
 登城丙午拔之斬偽守將張彥卿等六軍大 二月甲寅
 掠城內軍民死者萬餘人廬舍焚之殆盡
取雄州丁卯如揚州癸酉如瓜州 五代史二月甲寅偽
 城歸順戊午車駕發楚州南巡 丁卯駐蹕于廣陵詔發
 揚州部內丁夫萬餘人城揚州帝以揚州焚盪之後居
 民南渡遂于故城內就東南別築新壘戊辰遣使祭故
 淮南節度使楊行密故昇州節度使徐溫等墓癸酉幸
 楊子渡觀大江乙亥黃州刺史司超奏破淮賊三千人
 擒偽舒州刺史施仁望丙子隰州秦河東賊軍逃遁時
 劉鈞聞帝南征發兵圍隰州巡檢使李謙溥以州兵拒
 之而退 東都事略李謙溥字德明太原人也少通左

氏春秋仕晉為供奉官至周任刺史嘗監晉州兵以偏
 師屢挫太原而屠城畧地功為多隰州闕守謙溥攝州
 事至則濬城隍嚴兵備未旬日而并人至方盛暑謙溥
 服絺綌揮羽扇引二小吏登城徐步并人望之勒兵不
 敢動因以敢死士百人夜縋城銜枚薄賊營破之逐
 北數十里斬首千餘級為澶州巡檢改丹州刺史 三
月壬午朔如秦州 五代史補世宗既下江北駐蹕於建
 德明為使以見世宗德明素有詞辨以利害說世宗使
 罷兵世宗且知之乃感陳兵師排旗幟戈戟為門頃道
 以湊御然後引禮樂世無比何故與寡人曰汝江南自
 為唐之後衣冠禮樂世無比何故與寡人曰汝江南自
 不發一使奉書相問惟泛海以通契丹舍華事夷禮將
 安在今又聞汝以詞說寡人罷兵是將寡人比六國時
 一羣癡漢何不知人之甚也汝慎勿言當速歸報汝主
 令徑來跪寡人兩拜則無事矣不然則寡人須看金陵
 城借府庫以犒軍汝等得無悔乎於是德明等戰懼不
 能措一辭即日告歸及見偽主具陳世宗英烈之狀恐
 非四方所能敵偽主計無所出遂上表服罪且乞保江
 南之地以奉宗廟修職其詞甚哀世宗許之因曰叛則

征服則懷寡人之心也於是遣使者賫書安之然後凱
還論者以世宗加兵於江南不獨臨之以威抑亦諭之
以禮可謂得
大君之體矣
丁亥復如揚州辛卯幸迎鑾已亥克淮南

十有四州以江為界
原注并前所得通十四州耳書之
見其本志所止五代史三月壬

午朔幸泰州丁亥復幸廣陵辛卯幸迎鑾江口遣右武
衛大將軍李繼勳率舟師至江島以觀寇癸巳帝臨江

望見賊船數十艘命今上帥戰棹以追之賊軍退去今
上直抵南岸焚其營柵而迴甲午以右武衛大將軍李

繼勳為左領軍上將軍乙未殿前都虞候慕容延釗奏
大破賊軍于東沛州丙申江南李景遣其臣兵部侍郎

陳覺奉表陳情兼貢羅縠細絹三千匹乳茶三千斤及
香藥犀象等覺至行在觀樓船戰棹已泊于江岸以為

自天而降愕然大駭丁酉荆南高保融奏本道舟師已
至鄂州戊戌兩浙錢俶奉差發戰棹四百艘水軍萬七

千人已泊江岸請師期已亥今上率水軍破賊船百餘
隻于瓜步是日李景遣其臣劉承遇奉表以盧舒勣黃

等四州來獻且請以江為界帝報曰皇帝恭問江南國
主使人至省奏請分割舒廬勣黃等州畫江為界者頃

逢多事莫通玉帛之歡適自近年遂構干戈之役兩地
之交兵未息蒸民之受弊斯多一昨再辱使人重尋前

意將敦久要須盡縷陳今者承遇爰來封函復至請割
州郡仍定封疆猥形信誓之辭備認始終之意既能如

是又復深切誠懷其常潤靜于烟塵師旅便還于京闕永言
欣慰深何求邊陲頓靜一路及松江兵棹今已指揮抽

退兼兩浙荆南湖南水陸兵士各令罷兵其廬黃勣三
路將士亦遣抽拔近內候彼中起揭逐處將員及軍都

家口丁畢稭請差人勾喚在彼將校交割州城云淮南
平凡得州十四縣六十戶二萬六千五百七十四

先是李景以江南危蹙謀欲傳位于世子使附庸于我
故遣陳覺上表陳叙至是帝以既許其通好乃降書以

荅之曰別觀來章備形繕旨叙此日傳讓之意述向來
高尚之懷仍以數歲已還交兵不息備論追悔之事無

非尅責之辭雖古人有引咎責躬因災致懼亦無以過
此也况君血氣方剛春秋甚富為一方之英主得百姓

之歡心即今南北才通疆場甫定是玉帛交馳之始乃
干戈載戢之初豈可高謝君臨輕辭世務與其慕希夷

之道曷若行康濟之心重念天災流行分野常事前代
賢哲所不能逃苟盛德之日新則景福之彌遠勉修政

賢哲所不能逃苟盛德之日新則景福之彌遠勉修政

賢哲所不能逃苟盛德之日新則景福之彌遠勉修政

理勿倦經綸保高義于初終垂遠圖于家國流芳貽慶
不亦美乎庚子詔曰比者以近年貢舉頗事因循頻詔
有司精加試練所冀去雷無濫優劣昭然昨據貢院奏
今年新及第進士等所試文字或有否臧爰命辭臣再
令考覆庶涇渭之不雜免玉石之相參其劉坦單貽慶
李頌徐緯張觀等詩賦稍優宜放及第王汾據其文辭
亦未精當念以頃會剝落將與成名熊若谷陳保衡皆
是遠人深可嗟念亦放及第郭峻趙保雍楊丹安元度
張昉董咸則杜思道等未甚苦辛並從退黜更宜修進
以俟將來知貢舉大夫諫議大夫劉濤選士不當有失用
心責授右贊善大夫俾令省過以戒當官先是濤于東
京放榜後引新及第進士劉坦已下一十五人赴行在
帝命翰林學士李昉覆試故有是命壬寅復幸揚州改
廬州軍額為保信軍甲辰以右龍武統軍趙贊為廬州
節度使以殿前都虞候慕容延釗為淮南節度使兼殿
前副指揮使遣鹽城監使申屠諤齋書及御馬一十匹
金銀銜全散馬四十匹羊千口賜江南李景諤先為王
師所俘故遣之丙午江南李景遣所署宰相馮延巳獻
犒軍銀十萬兩絹十萬匹錢十萬貫茶五十萬觔米麥
二十萬石庚戌詔故淮南節度使楊行密故昇府節度

使徐溫各給守冢戶應江南臣寮有先代墳墓在江北
者委所在長吏差人檢校五代會要周顯德五年三
月詔曰比者以近年貢舉頗是因循頻詔有司精加試
揀所冀去雷無濫優劣昭然昨貢舉院奏今年新及第
進士等所試文書或有臧否爰命詞臣再加考覈庶涇
渭之不雜免玉石之相參其劉坦單貽慶李慶徐緯張
觀等詩賦稍優宜放及第王汾據其文詞未至精敏念
以頃會剝落特與成名熊若谷陳保衡皆是遠人深可
嗟念亦放及第郭峻趙保雍楊丹安元度張助董咸則
杜思道等未甚精者並從退落更宜修進以俟將來知
貢舉大夫諫議大夫劉濤選士不當有失用心可責授右
贊善大夫俾令省過以戒當官先是濤於東京放榜後
率先及第進士劉坦已下一十五人來赴行在且以所
試詩賦進呈上以其詞多紕繆命翰林學士李昉復試
故有是命冊府元龜顯德五年三月世宗在淮南會
濬汴口導其流而達于淮汴河自唐室之季為淮賊所
決自埭橋東南悉滙為污澤帝于二年冬將議南征即
詔徐州節度使武行德發其部內丁夫因其古堤疏而
導之東至于泗上是時人皆竊議以為無益惟帝不然
之曰二三年之後當知其利矣至是果符聖慮由是江

淮舟楫果達于京師萬世之利其斯之謂乎 玉壺清
 話周世宗顯德中遣周景大濬汴口又自鄭州導郭西
 濠達中牟景心知汴口既濬舟楫無壅將有淮浙巨商
 貿糧斛賈萬貨臨汴無委泊之地諷世宗乞令許京城
 民環汴栽榆柳起臺榭以為都會之壯世宗許之景率
 先應詔踞汴流中要起巨樓十二間方運斤世宗輦路
 過因問之知景所造頗喜賜酒犒其工不悟其規利也
 景後邀鉅貨於樓山積波委歲入數萬計今樓尚存
 三月辛亥李景來買宴五代史辛亥李景遣所署臨汝
 遣伶官五十人與郡公徐遼進買宴錢二百萬并
 遼俱來獻壽觴 夏四月庚申附五室神主于新廟壬
 申至自淮南回鶻達鞞遣使者來五代史夏四月癸丑
 使馮延巳等于行宮徐遼代李景捧壽觴以獻進金酒
 器御衣犀帶金銀錦綺鞍馬等乙卯車駕發揚州還京
 丙辰太常博士權知宿州軍州事趙礪除名坐推劾弛
 慢也先是翰林醫官馬道元進狀訴壽州界被賊殺却
 男獲正賊見在宿州本州不為勘斷帝大怒遣端明殿
 學士竇儀乘驛往按之及獄成坐族死者二十四人儀

奉辭之日帝旨甚峻故儀用刑傷于深刻戊午以前延
 州畱後李彥頤為滄州畱後庚申新太廟成遷五廟神
 主入於其室壬申至自淮南癸酉命宣徽北院使咎居
 潤判開封府事甲戌澶州節度使張永德準詔赴北邊
 以契丹犯境故也丁丑兩浙奏四月十九日杭州火廬
 舍府署延燒殆盡五月辛巳朔上御崇元殿受朝仗衛
 如式詔侍衛諸軍及諸道將士各賜等第優給應行營
 將士歿于王事者各與贈官親的子孫並量才錄用傷
 夷殘廢者別賜救接淮南諸州及徐宿宋毫陳穎許蔡
 等州所欠去年秋夏稅物並與除放云丙午命端明殿
 學士竇儀判河南府兼知西京畱守事辛卯以襄州節
 度使安審琦為青州節度使韓通為宋
 州節度使依前兼侍衛馬步都虞候以宋州節度使向
 訓為襄州節度使以今上為忠武軍節度使依前殿前
 都指揮使淮南之役今上之功居最及是命之降雖云
 酬勳止于移鎮而已賞典太輕物議不及為允癸巳以
 左武衛上將軍武行德為鄆州節度使以右神武統軍
 宋延渥為滑州節度使以前同州畱後王暉為相州畱
 後乙未立東京羅城諸門名額東二門曰寅賓延春南
 三門曰朱明景風畏景西二門曰迎秋肅政北三門曰

元德長景愛景辛丑幸懷信驛乙巳詔在朝文資官各
再舉堪為幕職令錄一人戊申以襄州節度使向訓兼
西南面水陸發運招討使已酉以太府卿馮延魯充江
南國信使以衛尉少卿鍾謨為副賜李景御衣玉帶錦
綺羅縠帛共十萬匹金器千兩銀器萬兩御馬五匹金
玉鞍轡全散馬百匹羊三百匹賜江南世子李宏冀器
幣鞍馬等別賜李景書曰皇帝恭問江南國主煮海之
利在彼海濱屬疆壤之初分慮供食之有闕江左諸郡
素號繁饒然于川澤之間舊無斥鹵之地會承素旨常
在所懷願均收積之餘以助軍旅之用已下三司逐年
支撥供軍食鹽三十萬石六月辛未放降卒四千六百
又賜李景今年歷日一軸六月辛未放降卒四千六百
于唐五代史六月庚午命書舍人竇儼參定雅樂辛
有司奏御膳料上批曰朕之常膳今後減半餘人依舊
癸酉禘于太廟乙亥兵部尚書張昭等撰太祖實錄三
十卷成上之賜器帛有差丁丑以中書舍人張正為工
部侍郎充江北諸州水陸轉運使戊寅詔諫議大夫宜
依舊為正五品上仍班在給事中之下五代會要顯
德五年六月兵部尚書張昭等修太祖實錄三十卷上

之秋七月乙酉水部員外郎韓彥卿市銅于高麗丁亥

頒均田圖五代史秋七月癸未以右散騎常侍高防為

武統軍以左領軍上將軍李繼勳為右羽林統軍以工

部尚書田敏為太子少保以刑部侍郎裴巽為尚書左

丞以左武衛上將軍薛懷讓為太子太師以右羽林大

將軍李萼為右千牛衛上將軍自敏已下皆致仕丙戌

中書門下新進冊定太周刑統奉敕班行天下丁亥賜

諸道節度使刺史均田圖各一面唐同州刺史元稹在

郡日奏均戶民租賦帝因覽其文集而善之乃寫其辭

為圖以賜藩郡時帝將均定天下賦稅故先以此圖徧

賜之閏月壬子廢衍州為定平縣廢武州為潘原縣壬
戌河決河陰縣溺死者四十二人辛丑幸新授青州節
度使安審琦第癸酉邢州雷後陳思讓奏破河東賊軍
千餘人于西山下斬首五百級八月庚辰延州奏澁溪
水漲壞州城溺死者百餘人已丑太子太師致仕宋彥
筠卒辛丑江南李景上表乞降詔書不允五代會要
詔朕以寰宇雖安蒸民未泰當乙夜觀書之際較前賢
阜俗之方近覽元稹長慶集見在同州時所上均田表

較當時之利病曲盡其情俾一境之生靈咸受其賜傳
于方冊可得披尋因令製素成圖直書其事庶王公觀
覽觸目驚心利國便民無亂條制背經合道盡繫變通
但要適宜所冀濟務繁乃勳舊共庇黎元今賜元稹所
奏均田圖一九月占城國王釋利因德縵使蒲訶散來
五代史九月丁巳以太府卿馮延魯為刑部侍郎以衛
尉少卿鍾謨為給事中並放歸江南時延魯鍾謨自江
南復命李景復奏欲傳位于其世子宏冀帝亦以書答
之甲子賜江南羊萬日馬三百匹橐駝三十頭賜兩浙
錢俶羊五千口馬二百匹橐駝二十頭乙丑賜宰臣樞
密使及近臣宴于玉津園已巳占城國王釋利因德縵
遣使貢方物壬申天清節羣臣詣廣德殿上壽江南進
奉使商崇儀代李景捧壽觴以獻 五代會要周顯德
五年九月賜宰臣樞密使翰林學士中書舍人宴於玉
津園張教坊樂先是上以前代有賜百官觀稼之事復
以是歲秋成念內臣之勞倦故有是命 冊府元龜五
年九月壬子天清節賜文武臣寮衣有差 旣而詣廣德
殿上壽江南進奉使商崇義代李景捧 冬十月丁酉括
壽酒觴以獻旣罷百官詣相國寺修齋

五代史卷之三十一 周本紀

民租 五代史冬十月己卯以戶部侍郎高防為西南面
鎮鳳翔戊子幸迎春苑己丑太常卿司徒詡以本官致
仕壬辰帝狩于近郊癸巳前相州節度使王饒卒甲午
左監門上將軍許文瀾右千牛上將軍邊鎬衛尉卿周
延構並歸江南乙未詔淮南諸州鄉軍並放歸農丁酉
遣左散騎常侍艾穎等均定河南六十州稅賦 五代
會要賜諸道均田詔曰朕以干戈旣弭寰海漸寧言念
地征罕臻藝極須並行均定所冀永適重輕卿受任方
隅深窮治本必須副寡昧平分之意察鄉閭治弊之原
明示條章用分寄任并令集事允屬 十一月庚戌作通
推公今差使臣往彼檢括餘從別勅 十一月庚戌作通
禮正樂 五代史十一月丁未朔詔翰林學士竇儼集文
辛亥日南至帝御崇元殿受朝賀仗衛如式已未昭義
李筠奏破遼州長清砦獲偽命磁州刺史李再興甲子
帝狩于近郊 五代會要周顯德五年十一月以尚書
司勳郎中何幼冲為關西渠堰使命於雍耀二州界疏
涇水以溉田 東都事畧聶崇義河南洛陽人也少舉
三禮善禮學通經旨漢乾祐中為國子禮記博士校定

五代史卷之三十一 周本紀

公羊春秋周顯德中遷國子司業兼太常博士世宗將
禘于太廟言者以宗廟無祧主不當行禘祫之禮崇義
援引魏晉以來故事以為當行且言祭者是追養之道
以時移節變孝子感而思親故薦以首時祭以中月間
以禘裕序以昭穆乃禮之經也非謂宗廟備與未備也
世宗從其議又詔崇義參定郊廟器玉崇義因取三禮
圖再加考正至國初上之未幾崇義卒三禮圖遂行於
世宗再考正至國初上之未幾崇義卒三禮圖遂行於
德五年十一月庚戌敕竇儼集通禮儼上言禮者太一
之紀品物之宗自五帝之後三代以來損益因革咸有
憲章越在唐室程軌量昭采物則有開元禮在紀先後
明得失則有通典在錄一代之事包五禮之儀比類相
從討尋不紊則有會要在二代之經國之大典也梁朝之
後戎祀朝會多以市塵草定儀注前代矛盾率多秕稗
請依唐會要門類上自五帝迄於聖朝悉令編次開元
禮通典之書包綜於內名曰大周通禮俾禮院掌之又
周世宗詔聶崇義參定郊廟器玉顯德四年二月庚午
詔有司更造祭器祭玉命國子博士崇義為之圖又詔
學士竇儼統領之崇義因取三禮圖再加考正三禮舊
圖是隋開皇中敕官修撰又舊圖十卷形制缺漏文字

三才圖會卷之三十一 禮部

省畧名數法式上下差違前後六本大同小異唐張鑑
洎諸家所撰蓋久傳不知所自崇義於顯德三年冬十
月定郊廟器玉因遂刪改其名數雖殊制度不別則存
其名者畧其制胡篋車輅之類是也名義多而舊圖畧
者就而增之射侯喪服之類是也有名無制者畧而不
圖仍別叙目錄其為二十卷冕服第一至喪器第十九
終以目錄一卷凡所集注皆周公正經仲尼所定康成
所注傍引疏義事有未達則况以漢法圖有未周則詳
於目十二月丙戌罷州縣課戶俸戶丑朔朗州奏醴陵
錄玉仙觀山門舊有田二萬頃久為山石閉塞今年七
縣十七日夜暴雷劈開其路復通已卯楚州兵馬都監
武懷恩棄市坐擅殺降軍四人也丙戌詔重定諸道州
府幕職令錄佐官料錢其州縣官俸戶宜停已丑楚州
防禦使張順賜死坐在任隱落權稅錢五十萬官絲綿
二千兩也壬辰詔兩京及五府少尹司參軍各省一員
六曹判司內祗直戶法二曹餘及諸州觀察支使兩蕃
判官並省甲午帝狩于近郊乙未鄧州劉重進移鎮邠
州滑州宋延渥移鎮鄧州以前河中節度使王仁鎬為
邢州節度使以邢州畱後陳思讓為滑州畱後已亥詔

五才圖會卷之三十一 禮部

翰林學士今後逐日起居當直者仍赴晚朝是月江南
李景殺其臣偽太傅中書令宋齊邱偽兵部侍郎陳覺
偽鎮南軍節度副使李徵古等初帝之南征也吳人大
懼覺與徵古皆齊邱門人因進說于景請委國事于齊
邱景繇是銜之及吳人遣鍾謨李德明奉表至行在帝
尋遣德明復命于金陵德明因說李景請割江北之地
求和于我而陳覺李徵古等以德明為賣國請戮之景
遂殺德明及江南內附帝放鍾謨南歸謨本德明之黨
也因譖齊邱等故齊邱等得罪放齊邱歸九華山覺等
貶官尋並害之景既誅齊邱等令鍾謨到闕具言其事
故書 五代春秋戊午五年正月癸未朔帝次楚州城
下帥圍其城丙午克之丁卯次揚州吳王以江北地來
獻四月壬申
帝至自南征

六年春正月高麗王昭遣使者來辛酉女真使阿辦來

五代史顯德六年春正月丁未朔帝御崇元殿受朝賀
仗衛如式壬子高麗國王王昭遣使貢方物已卯以翰
林學士中書舍人申文炳為左散騎常侍辛酉女真國
遣使貢獻壬戌青州奏節度使陳王安審琦為部曲所

殺乙丑賜諸將射於鞠場戊辰幸迎春苑甲戌詔每年
新及第進士及諸科聞喜宴宜令宣徽院指揮排比乙
亥詔禮部貢院今後及第舉人依逐科等第定人數姓
名并所試文字奏聞候敕下放榜云是月樞密使王朴
詳定雅樂十二律旋相為宮之法并造律準上之詔尚
書省集百官詳議亦以為可語在樂志二月庚辰發徐
宿宋單等州丁夫數萬濬汴河甲申發滑亳二州丁夫
濬五丈河東流于定陶入于濟以通青鄆水運之路又
疏導蔡河以通陳潁水運之路乙酉詔諸道應差攝官
各支半俸丙戌以翰林學士承旨尚書兵部侍郎陶穀
為尚書吏部侍郎充職詔升湖州為節鎮以宣德軍為
軍額以湖州刺史錢堪為本州節度使從兩浙錢俶之
請也辛丑幸迎春苑甲辰賜右補闕王德成責授右贊
大夫坐舉官不當也詔賜諸道軍府供用糧草有差
五代會要六年二月命侍衛馬軍都指揮使韓令坤自京
東流下汴水入于蔡河侍衛步軍都指揮使袁彥浚五
丈河以通漕運又六年二月癸巳有一人弊衣冠闕
入中書升政事堂吏叱之曰爾何人據牀而坐何人遣
爾至此其人曰宋州官家教我來此吏具其事白于宰
臣宰臣密令遣之尋不知所適其年六月十九日世宗

崩明年正月四日大宋受命冊府元龜顯德六年二月幸太清觀觀所賜鐘焉先是於乾明門外新修太清觀既成帝聞濮州有一鐘其聲甚欸每擊之聞數十里乃命徙之以賜是觀至是故往觀焉又顯德六年二月辛卯以新及第進士高冕為右補闕仍賜衣一襲烏金帶一銀器一百兩衣著二百正銀鞍勒馬一匹是時帝銳意於平燕及冕登第因其謝恩入對命宰臣以平燕論試之既而冕著論盛言燕可擊甚愜帝旨故有是超拜復厚加賜賚焉人死見陰官濮州人也問此亦不能對子按此事見周世宗實錄顯德六年二月丁丑幸太清觀先是乾明門外修太清觀成上聞濮州有大鐘聲聞十里乃命徙之以三月己酉甘州回鶻來獻玉却賜是觀至是往觀焉

之庚申王朴薨丙寅宣徽南院使吳延祚畱守東京

事畱吳延祚字慶之太原人也始仕周太祖為親校及即位為莊宅副使稍遷皇城使世宗即位遷右羽林將軍內客省使踰年拜宣徽北院使遷南院使西京畱守世宗征關南以延祚畱守京師拜左驍衛上將軍為樞

密使癸酉停給銅魚五代會要周顯德六年三月敕諸道

其諸納銅魚宜廢之容齋隨筆牧守銅魚之制新除刺史給左魚到州取右魚合契周顯德六年詔以特降制書何假符契遂廢之玉海周顯德六年甲戌北征是

年三月癸酉罷銅魚牧守並特降制書

月吳延祚為左驍衛上將軍樞密使五代史三月庚申

子詔以北境未復取此月內幸滄州以宣徽南院使吳延祚為權東京畱守判開封府事以宣徽北院使咎居潤為副使以三司使張美為大內都部署命諸將各領馬步諸軍及戰棹赴滄州已濠州奏鍾離縣饑民死者五百九十有四癸酉詔廢夏四月壬辰取乾寧軍府諸州銅魚甲戌車駕發京師夏四月壬辰取乾寧軍府元龜顯德六年四月幸滄州駐蹕於乾寧軍賜城內二寺名額一曰迎鑾二曰順聖從僧之請也辛丑

取益津關以為霸州癸卯取瓦橋關以為雄州原注州

不書此書重復中國故地世宗下三關瓦橋益津以建州及見淤口關上置寨故舊史實錄皆闕不書遂不見

其取得時日今信安軍是也 五代史夏四月辛卯車
 駕次滄州以前左諫議大夫薛居正為刑部侍郎是日
 帝率諸軍北征壬辰至乾寧軍偽寧州刺史王洪以城
 降丁酉駕御龍舟率舟師順流而北首尾數十里辛丑
 至益津關自北以西水路漸隘舟師難進乃捨舟登陸
 壬寅宿于野次時帝先期而至大軍未集隨駕之士不
 及一旅賴今上率材官騎士以衛乘輿癸卯今上至瓦
 橋關偽守將姚斌內斌城降甲辰鄭州刺史劉楚信以
 州來降隆平集姚斌內斌平州人也世宗以為汝州刺史
 瓦橋關內斌為關使開門請降世宗以為汝州刺史
 東都事畧何繼筠字化龍河南人父福進仕後唐至
 周官至天平軍節度使福進節制鎮州繼筠補牙職以
 偏師出天門與并人戰斬首數千級以功除刺史契丹
 入寇又擊敗之世宗征瓦橋關命繼筠以所部出百井
 道以破并寇五代史補世宗末年大舉以取幽州契
 丹聞其親征君臣恐懼沿邊城壘皆望風而下凡蕃部
 之在幽州者亦連宵遁去車駕至瓦橋關探邏是實甚
 喜以為大勳必集登高阜因以觀六師頃之有父老百
 餘輩持牛酒以獻世宗問曰此地何名對曰歷世相傳
 謂之病龍臺默然遽上馬馳去是夜聖體不豫翌日病

亟有詔回戈未到關而晏駕先是世宗之在民間也常
 夢神人以大傘見遺色如鬱金加道經一卷其後遂有
 天下及瓦橋不豫之際復夢向之神人來索傘與經耶
 中還之而驚起謂近侍曰吾夢不祥豈非天命將去耶
 遂召大臣戒以後事初幽州車駕將至父老或有竊
 議曰此不足憂且天子姓柴幽者為燕燕者亦烟火之
 謂也此柴入火不利之言五月乙巳朔取瀛州原注復中
 兆安得成功卒如其言五月乙巳朔取瀛州國故地故
 不書甲戌至白雄州五代史五月乙巳朔取瀛州國故地故
 契丹將相繼至瀛州刺史高彥暉以本城歸順關
 及諸將得州三縣七戶一萬八千三百六十是役也
 南平凡得州三縣七戶一萬八千三百六十是役也
 王師數萬不亡一矢邊界未可帝不聽是夜帝不豫
 諸將議攻幽州諸將皆以為未可帝不聽是夜帝不豫
 乃止李在欽申定州節度使孫行友奏攻下易州擒偽命刺
 史李在欽申定州節度使孫行友奏攻下易州擒偽命刺
 津關為霸州是日先鋒都指揮使張藏英破契丹數百
 騎于瓦橋關北攻下固安縣詔發濱棣二州丁夫城霸
 州庚戌遣侍衛都指揮使李重進率兵出土門入河東
 城界壬子車駕發雄州還京泉州節度使畱從効遣別

駕王禹錫奉貢于行在帝以泉州比臣江南李景方歸
奉國家不欲奪其所屬但錫詔褒美而已丁卯西京奏
太常卿致仕司徒詡卒已巳侍衛都指揮使李重進奏
破河東賊軍於百井斬首二千級甲戌上至自雄州
却掃編周世宗既定三關遇疾而退至澶淵遲留不行
雖宰輔近臣問疾者皆莫得見中外恟懼時張永德為
澶州節度使永德尚周太祖之女以親故獨得至臥內
于是羣臣因永德言曰天下未定根本空虛四方諸侯
唯幸京師之有變今澶汴相去甚邇不速歸以安人情
顧憚旦夕之勞而遲回于此有不可諱奈宗廟何永德
然之承間為世宗言如羣臣旨世宗問誰使汝為此言
永德對以羣臣之意皆願為此世宗熟思久之歎曰吾
固知汝必為人所教獨不喻吾意哉然觀六月癸未立
皇后符氏於原注符氏無國爵不日立符氏為皇后嫌同
后符氏文理宜封子宗訓為梁王宗誼燕國公纂誤今
然無褒貶也 封子宗訓為梁王宗誼燕國公纂誤今
按家人傳乃是封宗讓其名誼 戊子占城使蒲訶散來
者雖亦世宗子然已先亡矣

已丑范質王溥參知樞密院事 國老談苑范質性儉約

以來宰相取給于方鎮由質絕之為相輔居止第十一
間門屋庫隘周太祖嘗令世宗詣質時為親王軒馬高
大門不能容世宗即下馬步入及嗣位從容語質曰卿
所居舊宅耶門樓一何小哉因為治第 又范質在中
書急於銓品人物凡清資華級未嘗虛授於人延士大
夫講貫世務以觀器識顯德中殿中侍御史柴自牧右
補闕裴英同謁質於中書質語及民間利病因謂自牧
曰嘗歷州縣乎自牧對以數任職事次問英英唐相贊
之質雖不才備位宰相坐政事之役惟英偶免質怒責英
曰質非喜言也浮薄之徒安可居諫署英慚懼而退明
疾苦非具奏其事英遂授散秩又周世宗在漢為諸衛
將軍嘗遊畿甸謁縣令因是時方聚邑客蒲博弗得見
世宗頗銜之及即位令因部夫犯贓數百疋宰相范質
以具獄上奏世宗曰親民之官贓狀狼籍不法當處死質
奏曰受所監臨財物有罪止贓雖多法不至死世宗怒
厲聲曰法者自古帝王之所制本以防姦朕立法殺贓
吏非酷刑也質曰陛下殺之即可若付有司臣不敢署

敕遂貸其命因令今後犯者並以枉法論質乃奉詔今
 刑統中強率斂入己並同枉法是也質之守正不回大
 率如是又周世宗嘗欲以竇儀陶穀並命為宰相以
 問范質質曰穀有才無行儀執而不通遂寢其事
 文類聚別集沂公筆錄范質嘗謂同列曰人能鼻吸三
 斗醇醕即可為宰相矣錦繡萬花谷前集本朝蒙求
 范質自從仕未嘗釋卷人或勉之質曰昔嘗有異人與
 吾言他日必當大用苟如是言無學術何以處之又
 前集文公談苑范質初作相與馮道同堂道輕其新進
 潛視所為質當判事語吏曰堂判之事並施簽表得以
 道聞歎曰真識大體吾不如也笑魏仁浦同中書門下
 平章事癸巳皇帝崩于滋德殿原注年三十九 五代
 史六月乙亥朔潞州李
 筠奏攻下遼州獲偽刺史張丕旦丙子以皇女薨報朝
 三日戊寅鳳翔奏節度使李暉卒鄭州奏河決原武詔
 宣徽南院使吳延祚發近縣丁夫二萬人以塞之庚辰
 命宣徽北院使咎居潤判開封事晉州節度使楊廷璋
 奏率兵入河東界招降堡砦一十三所癸未立魏王符
 彥卿女為皇后仍令所司擇日備禮冊命以皇長子宗

訓為特進左衛上將軍封梁王以第二子宗讓為左驍
 衛上將軍封燕國公賜江南進奉使李從善錢二萬貫
 絹二萬匹銀一萬兩賜兩浙進奉使吳延福錢三千貫
 絹五千匹銀器三千兩丁亥以前青州節度使李洪義
 為永興軍節度使永興軍節度使王彥超移鎮鳳翔戊
 子潞州部送所獲遼州刺史張丕旦等二百四十五人
 以獻詔釋之己丑宰臣范質在溥並參知樞密院事以
 樞密使魏仁浦為中書侍郎平章事集賢殿大學士依
 前充樞密使以宣徽南院使吳延祚為樞密使行左驍
 衛上將軍以宋州節度使侍衛都虞候韓通為侍衛親
 軍副都指揮使加檢校太尉同平章事澶州節度使兼
 殿前都點檢駙馬都尉張永德落軍職加檢校太傅依
 前忠武軍節度使帝之北征也凡供軍之物皆令自京
 遞送行在一日忽于地中得一木長二三尺如人之揭
 物者其上卦全題云點檢觀者莫測何物也至是今
 上始受點檢之命明年春果自此職以副人望則點檢
 做之言乃神符也辛卯以宣徽北院使判開封府事咎
 居潤為左領軍上將軍充宣徽南院使以三司使左領
 衛大將軍張美為左監門衛上將軍充宣徽北院使判
 三司癸巳帝崩于萬歲殿聖壽三十九甲午宣遺制梁

王于樞前即皇帝位服紀月日一依舊制是日羣臣奉
梁王即位于殿東楹中外發哀其年八月翰林學士判
太常寺事竇儼上謚曰睿武孝文皇帝廟號世宗十二
月壬寅朔葬于慶陵宰臣魏仁浦撰謚冊文王溥撰哀
冊文云史臣曰世宗項在仄微猶務韜晦及天命有屬
嗣守鴻業不日破高平之陣逾年復秦鳳之封江北燕
南取之如拾芥神武雄畧乃一代之英主也加以雷心
政事朝夕不倦摘伏辨姦多得其理臣下有過必面折
之嘗言太祖養成二王之惡以致君臣之義不保其終
故帝駕馭豪傑失則明言之功則厚賞之文武參用莫
不服其明而懷其恩也所以仙去之日遠近號慕然稟
性傷于太察用刑失于太峻及事行之後亦多自追悔
逮至末年漸用寬典知用兵之頻并憫黎民之勞苦蓋
有意于康濟矣而降年不永美志不就悲夫五代會
要顯德六年六月辛卯辰已間天地晦冥澍雨驟降雨
中有腥氣是月世宗崩又六月十九日葬慶陵在鄭州之
萬歲殿年三十九其年十一月一日葬慶陵在鄭州管
城縣謚曰睿武孝文皇帝廟號世宗哀冊文禮部尚書
平章事王溥撰謚冊文中書侍郎平章事魏仁浦撰謚
議翰林學士中書舍人判太常寺竇儼撰年號一元稱

顯德盡六年宰相五人范質李穀王溥景範魏仁浦使
相三十五人高保融錢宏俶王饒李彝殷安審琦符彥
卿白文珂李宏義趙暉武行德王晏侯章王繼宏王景
郭從義孫方諫王守恩李暉扈彥珂折從阮劉詞郭勳
李宏信楊信鄭仁誨曹英郭崇王彥超李筠王逵周行
逢李重進向訓韓通張永德大將六人今上李重進張
永德韓通韓令坤袁彥五代春秋已未六年三月甲
戌帝北征五月次瓦橋關寧瀛漠三州來降帝不豫班
師六月甲戌帝至自北征癸巳帝崩于萬歲殿文獻
通考周世宗實錄四十卷陳氏曰監修官晉陽王溥齊
扈蒙日用撰

恭皇帝世宗第四子宗訓也

五代史恭帝諱宗訓世宗
子也廣順三年歲在癸丑

八月四日生于澶州之府第
五代會要恭帝諱從訓
世宗後宮所生廣順三年八月四日生于澶州以其日

壽節世宗即位大臣請封皇子為王世宗謙抑久之及

北取三關遇疾還京師始封宗訓梁王時年七歲
五代史顯

德六年六月癸未制授特進左衛上將軍封梁王食邑三千戶實封五百戶 五代會要顯德六年六月封梁

王時年七歲

顯德六年六月癸巳世宗崩甲午皇帝即位于柩前

史癸巳世宗崩甲午內出遺制命帝柩前即皇帝位是日羣臣奉帝即位而退 五代會要其月九日即位於

前癸卯范質為大行皇帝山陵使翰林學士竇儼為禮

儀使 東都事畧竇儼字望之幼能屬文舉進士為天平

拜中書舍人顯德四年儼上疏請令有司討論古今禮

儀作通禮考正鍾律作正樂嘗言為政之本莫大擇人

擇人之重莫先宰相自有唐之末輕用名器始為輔弼

即兼三公僕射之官故其未得之也則以趨競為心既

得之也則以容默為事但思解密勿之務守崇重之官

逍遙林亭保安宗族乞令即日宰相於南宮三品兩省

給舍以上各舉所知若陛下素知其賢自可登庸若果

未也且令以本官權知政事期歲之間察其職業若果

能堪稱其官已高則除平章事未高則稍更遷官權知

如故若有不稱則罷其政事責其舉者又班行之中有

員無職者大半乞量其才器授以外任試之于事還則

以舊官登叙考其治狀能者進之否者黜之又請令盜

賊自相糾告以其所告貲產之半給之或親戚為之首

則論其徒侶而赦其所告首者如此則盜賊不能聚矣又

新鄭鄉村團為義營各立將佐一戶為盜累其一村一

戶被盜罪其一將每有盜則鳴鼓舉火丁壯雲集盜少

民多無能脫者由是鄰縣充斥而一境獨清請令他縣

通鑑紀事本末 周本紀 三十一

水之行紀於九六凡千七百二十有八歲為浩浩之會
 雖堯舜在上不能免者數也若夫辟狂臣專又昏不明
 苦雨數至水不潤下乃政之所致非數也唐貞元壬申
 之水是已德宗暗蔽篤於自任陸贄盡忠而斥遠裴延
 齡專利而信用常雨之夜天豈虛生世宗甚善之拜翰
 林學士而玉壺清話竇禹鈞生五子儀儼偁僖伉儀弟
 儼素蘊文學為周世宗所重判太常寺校管籥鐘磬辨
 清濁上下之數分律呂還相之法去京房清宮一筦調
 之二年方合大律又善樂章凡三絃之通七絃之琴十
 二絃之箏二十五絃之瑟三漏之籥皆立譜調按通而合之
 筦十七管之笙二十五管之簫樂章之後目曰大周正
 器雖異而均和不差編于歷代樂章之後目曰大周正
 樂譜樂寺掌之依文教習尤善推步五星歷與盧多遜楊
 徽之同在諫垣預謂二公曰天下始太平五星當連珠於奎
 奎主文章又在魯分自此天下始太平五星當連珠於奎
 老夫不與也果在乾德丁卯歲五星連珠於奎太宗鎮
 兗海其明**兵部尚書張昭為鹵簿使御史中丞邊歸讜**
 博如此

為儀仗使宣徽南院使判開封府事咎居潤為橋道頓

遞使 五代史丁西北面兵馬都部署韓令坤奏敗契丹
 五百騎于霸州北戊戌文武百僚宰臣范質等上

表請聽政表三上允之壬寅文武百僚宰臣范質等上
 四日為大壽節從之癸卯以司徒平章事范質為山陵

使以翰林學士判太常寺事竇儼為禮儀使以兵部尚
 書張昭為鹵簿使以御史中丞邊歸讜為儀仗使以宣

徽南院使判開封府事咎居潤為橋道頓遞使是月州
 郡十六奏大雨連旬不止東都事畧咎居潤字廣川

博州高唐人也有氣節嘗為樞密院小吏景延廣畱
 守西京補為右職契丹犯京師以兵圍延廣家故吏悉

避去居潤為全護其家時論稱之仕周世宗為軍器庫
 使從征高平以功遷客省使知青秦二州歷知鳳翔河

中入知開封府世宗幸淮上命為副畱秋七月丁未戶
 守遷宣徽北院使加南院使判開封府

部尚書李濤為山陵副使度支郎中盧億為判官 五代
 史秋

七月丁未以戶部尚書李濤為山陵副使以度支郎中
 盧億為山陵判官辛亥左散騎常侍申文炳卒乙卯右

拾遺徐雄奪三任官坐誣奏雷澤縣令虛破戶也丁巳
 百僚釋服尚輦奉御金彥英本東夷人也奉使高麗稱

臣于其王故及于罪庚申以邢州節度王仁鎬為襄州
節度使進封開國公以侍衛步軍都指揮使曹州節度
使檢校太保袁彥為陝州節度使加檢校太傅以右羽
林軍統軍權知邢州事檢校太保李繼勳為邢州節度
使加檢校太傅以侍衛馬軍都指揮使陳州節度使檢
節度使以侍衛馬軍都指揮使依前陳州節度使檢校
韓令坤為侍衛馬步都虞候依前陳州節度使檢校
太尉以虎捷左廂都指揮使岳州防禦使檢校司徒高
懷德為夔州節度使充侍衛馬軍都指揮使檢校太保
以虎捷左廂都指揮使常州防禦使檢校司空張鐸為
遂州節度使充侍衛步軍都指揮使檢校太保仍改名
令鐸壬戌以鄆州節度使充侍衛馬步軍都指揮使
中依前侍衛馬步軍都指揮使淮南節度使檢校太尉
尉同平章事向拱為河南尹充西京留守加檢校太師
兼侍中以宋州節度使充侍衛馬步軍都指揮使檢
校太尉同平章事韓通為鄆州節度使依前侍衛親軍
馬步軍副都指揮使以澶州節度使檢校太尉同平章
事駙馬都尉張永德為許州節度使進封開國公以今
上為宋州節度使依前檢校太尉殿前都點檢進封開

國侯以淮南節度使兼殿前副都點檢檢校太保慕容
延釗為澶州節度使檢校太傅依前殿前副都點檢進
封開國伯以殿前都指揮使江州防禦使檢校司空石
守信為滑州節度使檢校太保依前殿前都指揮使內
寅制大赦天下庚午翰林學士判太常寺寶儼撰進大
行皇帝太室歌酌獻辭舞日定功之舞歌辭不錄是月
諸道相繼奏大雨所在川渠
漲溢漂溺廬舍損害苗稼
八月庚寅封弟熙讓為晉

王熙謹紀王熙誨斬王壬寅高麗遣使者來五月甲戌朔

以光祿卿致仕柴守禮為太子太保致仕乙亥翰林學
士兼判太常寺寶儼撰進大行皇帝尊謚曰睿武孝文
皇帝廟號世宗從之庚辰天下兵馬都元帥守尚書令
兼中書令吳越國王錢俶加食邑一千戶實封四百戶
改賜功臣天雄軍節度使檢校太師守太保兼中書令
魏王符彥卿加守太尉夏州節度使檢校太師守太保
兼中書令西平王李彝興加守太傅荆南節度使檢校
太師守中書令南平王高保融加守太保壬午山陵使
范質撰進大行皇帝陵名曰慶陵從之秦州節度使西
面沿邊都部署檢校太師守中書令褒國公王景進封

涼國公徐州節度使檢校太師兼中書令郭從義加開
 府儀同三司鄜州節度使檢校太師兼中書令邢國公
 武行德進封宋國公永興軍節度使檢校太師兼侍中
 李洪義加開府儀同三司鳳翔節度使檢校太師兼侍中
 中郭崇加檢校太尉朗州節度使檢校太尉兼侍中李
 筠加檢校太尉朗州節度使檢校太尉兼侍中周逢
 加檢校太師甲申壽州節度使檢校太師同平章事韓
 國公楊信封魯國公邠州節度使檢校太師劉重進廬
 州節度使檢校太尉趙贊鄧州節度使檢校太師宋延
 渥並加開府儀同三司趙贊鄧州節度使檢校太尉贊
 河中節度使檢校太尉張鐸並加階爵丙戌易定節度
 使孫行友靈州節度使馮繼業府州節度使折德展並
 自檢校太保加檢校太傅進階爵以延州雷後檢校太
 傅李萬全為延州節度使封開國公庚寅皇弟特進檢
 校太保左驍衛上將軍燕國公食邑三千戶宗讓加檢
 校太傅進封曹王改名熙讓熙謹拜光祿大夫檢校太
 保右武衛大將軍封紀王食邑三千戶熙誨拜金紫光
 祿大夫檢校司徒左領衛大將軍封王食邑三千戶
 制下即令所司擇日備禮冊命以晉國長公主張氏為
 晉國大長公主以前陝州節度使檢校太尉藥元福為

曹州節度使進階爵甲午守司徒同平章事宏文館大
 學士參知樞密院事范質加開府儀同三司進封蕭國
 公門下侍郎兼禮部尚書同平章事監修國史參知樞
 密院事王溥加右僕射進封開國公樞密使中書侍郎
 同平章事集賢殿大學士魏仁浦加兼刑部尚書依前
 樞密使檢校太傅右驍衛上將軍吳延祚依前樞密使
 進封慶國公以左武衛上將軍史侗為相州雷後戊子宣
 致仕乙未以隴州防禦使王全斌為相州雷後戊子宣
 美並加檢校太傅已亥前司空李穀加開府儀同三司張
 趙國公以前太傅少卿朱渭為太僕卿致仕辛丑左金
 吾上將軍致仕史侗卒壬寅高麗國遣使朝貢兼進別
 序孝經一卷越王孝經新義一卷皇靈孝經一卷孝經
 雌圖三卷文昌雜錄云別叙孝經者紀孔子生卒之
 年越王孝經新義兼及王遁之術皆無當於經義九
 月丙寅左驍衛大將軍戴交使于高麗五代史九月壬
 李彥頽卒乙卯高麗王王昭加檢校太師食邑三千戶
 丙辰以三司副使王贊為內客省使兼北面諸州水陸

五石書卷之三 周本紀 三四

轉運使使癸亥前開封縣令路延規除名流沙門島先是
 延規有過停任有司召延規宣敕拒命為憲司所按故
 有是命甲子以端明殿學士禮部侍郎竇儀為兵部侍
 郎充職以尚書戶部員外郎直樞密院杜華為司門郎
 中充樞密直學士賜紫以翰林學士尚書度支員外郎
 王著為金部郎中知制誥充職仍賜金紫是日翰林學
 士尚書屯田郎中知制誥李昉都官郎中知制誥扈蒙
 水部郎中知制誥趙逢並加柱國賜金紫乙丑兵部尚
 書張昭進封舒國公戶部尚書李濤進封莒國公以太
 子詹事劉溫叟為工部侍郎判國子祭酒事是月京師
 及諸州郡霖雨踰旬所冬五代史冬十月癸酉朔以司
 在水潦為患川渠泛溢農卿致仕李鐸為太僕卿致
 仕太常少卿致仕姚遂為將作監致仕丁亥太子太師
 薛懷讓封杞國公壬辰翰林學士判太常寺寶儼撰進
 貞惠皇后廟歌丁酉世宗皇帝靈駕發引戊戌以前相
 州留後王暉為右神武統軍辛丑江南國主李景來告
 世子宏冀卒遣御廚十一月壬寅葬睿武孝文皇帝于
 使張延範充弔祭使

慶陵 原注在鄭高麗遣使者來 五代史十一月壬寅朔
 州管城縣 葬世宗皇帝于慶陵以

貞惠皇后劉氏附焉戊申西京奏太子太師致仕白文
 珂卒丙辰日南至百寮奉表稱賀戊午廢兗州廣利軍
 依舊為萊蕪監壬戌升鳳州固鎮為雄勝軍丙寅左羽
 林統軍馬希崇解甲十二月壬申朔史館奏請差官修
 撰世宗實錄從之甲戌改萬歲殿為紫宸殿甲午西京
 奏左屯衛上將軍致仕李萼卒乙未大霖晝昏凡四日
 而止分命使臣賑給諸州遭水人戶 五代春秋已未
 顯德六年六月甲午帝即位十一月壬寅葬世宗皇帝
 于慶陵

七年春正月甲辰遜于位

宋興 原注五代之亡所書不同隨事為文爾梁亡見唐
 之以速漢亡見周之遲也唐欺天下以討賊周欺天
 下以立贊故書梁亡見唐之立速則知其志不在於討
 賊也漢亡見周之立遲則知立贊者偽也唐亡無辭莊
 宗之弑唐已亡矣而明宗又稱唐愍帝之奔唐又亡矣
 而廢帝又稱唐其亡也不可以屢書故不書也晉亡曰
 契丹滅晉明言以深戒周曰遜于位遜順也能順乎天
 命也 五代史顯德七年春正月辛丑朔文武百僚進

名奉賀鎮定二州馳奏契丹入寇河東賊軍自土門東
下與蕃合勢詔今上率兵北征癸卯發京師是夕宿于
陳橋驛未曙兵變將士大譟呼萬歲環甲將刃推戴今
上升大位扶策升馬擁迫南行是日詔曰天生蒸民樹
之司牧二帝推公而禪位三王乘時以革命其極一也
予末小子遭家不造人心已去國命有歸咨爾歸德軍
節度使殿前都點檢趙匡胤稟上聖之姿有神武之畧
佐我高祖格于皇天逮事世宗功存納麓東征西怨厥
績懋焉天地鬼神享于有德謳謠獄訟附于至仁應天
順民法堯禪舜如釋重負子其作賓嗚呼欽哉祇畏天
命今上于是詣崇元殿受命百官朝賀而退制封周帝
為鄭王以奉周祀正朔服色一如舊制奉皇太后為周
太后皇朝開寶六年春崩于房陵今上聞之震慟發哀
成服于便殿百寮進名奉慰尋遣中使監護其喪以其
年十月歸葬于世宗慶陵之側詔有司定謚曰恭皇帝
陵曰順陵五代會要顯德七年正月禪位於宋其年
降封鄭王年八歲宋開寶六年春崩于房陵其月十日
追謚恭帝葬順陵在世宗慶陵側年號一依舊稱顯德
宰相三人范質王溥魏仁浦使相二十人高保融錢宏
俶符彥卿武行德王晏王景郭從義向拱李宏信郭崇

王彥超李筠李重進李彝殷周行逢楊信韓通張永德
李宏義侯章大將七人今上張鐸李重進韓通韓令坤
石守信高懷德宋贈韓通中書令誥易姓受命王者所以
位于我宋 宋贈韓通中書令誥易姓受命王者所以
使檢校太尉同中書門下平章事侍衛親軍馬步軍副
都指揮使韓通定交霸府委質前朝荷戈共歷于艱貞
錫壤迭分於戎律朕以三靈睠祐百姓樂推言念元勳
方疇異渥蒼黃遇害良用撫然追升浴鳳之池式表潛
龍之舊 太平治跡統類世宗一日於文書囊中得木
長三尺餘題曰點檢作天子世宗異之時曲陽張永德
為殿前都檢點命上代之累遷歸德軍節度一日上夢
從世宗遊池上世宗取印視之迴顧梁王弗與而授於
上也嘗從布衣辛文悅肄業文悅亦夢邀駕既拜乃上
也又有青衣童子升中書據牀而坐曰宋州官家教我
來忽不見其幽顯符應如此時周帝幼冲故中外密有
推戴之意建隆元年春正月辛丑北漢兵自上門東下
與契丹入寇命諸將禦之太祖自殿前都虞候輔政凡
六年士卒服其恩威數從世宗征伐人望固已歸之王
子鎮祚節度慕容延釗先發時都下讜言將以出兵之

日策點檢為天子民恐怖爭為逃匿之計惟內庭晏然不知癸卯大軍出愛景門紀律嚴甚眾心稍安軍校河中苗訓者號知天文見日黑光久相歷盪指謂太祖親聚謀曰主上幼弱未能親征我輩出死力為國家破賊誰則知之不如先立點檢為天子然後北征未晚也都押衙上黨李處耘具以其事白皇帝弟及節度掌書記事理逆順曉譬之曰太尉忠赤必不見從諸將相顧亦有稍稍引去者已而復集露又大言曰軍中偶語則族今已議定太尉若不從則我輩亦安肯退而受禍普察其勢不可遏與匡義同聲叱之曰策立大事固宜審圖爾等何得便肆狂悖乃各就坐聽命普復謂曰外寇壓境將莫誰何盍去攘却歸始議此諸將不可曰方今政出多門若俟寇退師還則事變不可知也但當急入京城策立太尉徐引而北破賊不難太尉苟不受策六軍決亦難使向語諸將曰與王易姓雖曰天命實係人心前為約束因語諸將曰與王易姓雖曰天命實係人心前深四方已過河節度使各據方面京師若亂不惟外寇愈

不搖則四方自然寧謐諸將亦可長保富貴矣皆許諾乃共部分夜遣衙隊軍使郭延贊馳告殿前指揮使浚儀石守信殿前都虞候洛陽王審琦守信審琦皆素歸心太祖者也將士環列待旦太祖醉臥初不省甲辰黎已環甲執兵直扣寢門曰諸將無主願策太尉為天子太祖驚起披衣未及酬應則相與扶出廳事或以黃袍加太祖身且羅拜下稱萬歲太祖固拒之眾不可遂相與扶太祖上馬擁逼南行匡義立於馬前請以剽劫為戒太祖度不得免乃攬轡誓諸將曰汝等自貪富貴立我為天子能從我命則可不然我不能為若主也眾皆下馬曰唯命太祖曰少帝及太后我皆北面事之公卿比肩汝等用命有重賞不然而當族誅諸校皆稟命時上府庫汝等用命有重賞不然而當族誅諸校皆稟命時上母南陽郡夫人杜氏在城中上憂之遣楚昭輔先入問起居石守信嚴兵守左掖門昭輔至納之昭輔見上母具陳士眾擁戴之狀瑯琊夫人王氏侍側有懼色上母言笑自若曰吾兒生時神異吾知其必享天命上整軍政諭意時宰相早朝未退聞變范質下殿執王溥手曰

倉卒遣將我輩之罪也爪入溥手則出血溥噤不能對
太平節度使同平章事侍衛馬步軍副都指揮使在京
巡檢太原韓通自內廷惶遽奔歸率諸眾備禦散員都
指揮使蜀人王彥昇遇於路躍馬逐之至其第第門不
及掩遂殺之并其妻子諸將翼太祖登明德門太祖令
軍士解甲還營太祖亦歸公署釋黃袍俄而將士擁質
等俱至太祖嗚咽曰吾受世宗厚恩為六軍所逼一旦
至此慚負天地將若之何質不肯拜列校太原羅彥環
挺劍而前曰我輩無主今日必得天子太祖叱之不退
質等不知所為乃言古有受禪之禮今可行也因其陳
之且曰太尉既以禮受禪事太后當如母養少主當如
子勿負先帝舊恩上許諾質等降階列拜呼萬歲奉上
詣崇元殿行禪代禮召文武百官就列至晡班定周帝
下制禪位宣徽使引太祖就龍墀北面拜受宰相扶太
祖升殿易服東序還即位羣臣拜賀奉周帝為鄭王太
后為周太后遷居西京東都事畧楊徽之歷右拾遺
太祖為時望所歸徽之上書言其事及太祖受禪太宗
見其書謂太祖曰此周室忠臣也五代史補高祖太宗
入京師也三軍紛擾殺人爭物者不可勝數時有趙童
子者知書善射至防禦使觀其紛擾竊憤之乃大呼於

眾中曰和密太尉志在除君側以安國所謂兵以義舉
鼠輩敢爾乃賊也豈太尉意耶於是持弓矢於所居巷
口據牀坐凡軍人之來侵犯者皆殺之由是居人賴以
保全僅數千家其間亦有致金帛於門下用為報答以
堆集如邱陵焉童子見而笑曰吾豈求利者耶於是盡
歸其主高祖聞而異之陰謂世宗曰吾聞人間讖云趙
氏合當為天子觀此人陰謂世宗曰吾聞人讖云趙
與汝其可保乎使人誣告收付御史府劾而誅之洎高
祖厭世未十年而皇宋有天下趙氏之讖殆應於斯知
王者不死信矣哉清異錄周季年東漢國大雪盛唱
曰生伯赤真人來一於韓通通思復太祖英武有紀聞
周恭帝幼冲軍政多決於韓通通思復太祖英武有紀聞
量多智畧屢立戰功由是將士皆愛服歸心焉及將北
征京師民間謠言出軍之日當立點檢為天子富室或
挈家逃匿於外州洛中紀異錄先是周未忽有一人
衣麓布衣裏青巾草履而入於中書省政事堂內箕踞
而坐羣吏見之咸大驚叱之何人也答曰官家教我來
吏曰官家在甚處復答曰在宋州尋白於諸相相曰此
狂人也外不須奏恐累諸門守衛者事非細爾乃寢因卒
逐之出外今上移鎮商邱少主禪位上開國為大宋宋

州官家是天命已兆之也文獻通考開運末宋州宋城縣有異僧嘗挾彈持銅丸走榛莽中如飛指其地曰不二十年當有帝王由此建號又晉天福中兩浙兒童聚戲率以趙氏為語助如言得曰趙得可曰趙可自是一國之人語言無不以趙字兼之及晉末趙延壽貴盛浙人謂必應識後延壽為北虜所繫而謠言益盛洎趙太祖受禪始悟焉又周顯德七年正月癸卯日既出其下復有一日相掩黑光摩盪久之時太祖方北征知星者苗訓指謂親吏楚昭輔曰天命也是日周恭帝遜位嗚呼五代本紀備矣原注備謂喪亂事無所不有君臣之際可勝道哉梁之友珪反唐戕克寧而殺存父從璨則父子骨肉之恩幾何其不絕矣太妃薨而輟朝立劉氏馮氏為皇后則夫婦之義幾何其不乖而不致於禽獸矣寒食野祭而焚紙錢居喪改元而用樂殺馬延及任圜則禮樂

刑政幾何其不壞矣至於賽雷山傳箭而撲馬則中國幾何其不夷狄矣可謂亂世也歟而世宗區區五六年間取秦隴平淮右復三關威武之聲震懾夷夏而方內延儒學文章之士玉海顯德二年二月校勘經典釋文三十卷雕印命張昭田敏詳校制度脩通禮定正樂崇文目大周正樂八十八卷周顯德中與書目大周正樂八十八卷周顯德中德間中書舍人竇儼撰儼承詔訂論歷代樂名樂儀樂議樂音樂圖樂章樂器樂曲及夷樂之名甚備按儼末卷論叙六詔編樂書叙論譜記凡八十四卷象八十四調新曲譜三十六卷合前為十二帙象期之數今書八十四卷具存曲譜惟議刑統邵氏見聞錄周祖自鄴舉有黃鐘大呂餘皆缺兵向關京師亂魯公隱于民間一日坐封邱巷茶肆中有人貌恠陋前揖曰相公無慮時暑中公所執扇偶書大暑去酷吏清風來故人詩二句其人曰世之酷吏冤獄何止如大暑也公他日當深究此弊因攜其扇去公惘然久之後之祆廟後門

見一土偶短鬼其貌肖茶肆中見者扇亦在其手中公
心異焉亂定周祖物色得公遂至大用公見周祖首建
議律條繁廣輕重無據吏得以因緣為姦周祖特詔詳
定是為刑統清波雜志嘗聞范魯公質暑中所執扇
偶書大暑去酷吏清風來故人兩句於其上或見之言
曰世之酷吏冤獄何止如大暑也公他日當深究此弊
公後見周祖首建議律條繁廣輕重無據吏得以因緣
為奸周祖特詔詳定是為刑統州縣司刑憲者若人以
魯公存心尚何酷吏冤獄之為懼其制作之法皆可施於後世其為人
明達英果議論偉然即位之明年廢天下佛寺三千三
百三十六是時中國乏錢乃詔悉毀天下銅佛像以鑄
錢嘗曰吾聞佛說以身世為妄而以利人為急使其真
身尚在苟利於世猶欲割截况此銅像豈有所惜哉由
是羣臣皆不敢言

括異志周世宗毀銅佛像曰佛教以頭目髓腦有利於衆生尚無所惜寧

復以銅像為愛乎鎮州大悲銅像甚有靈應擊毀之以
斧鉞自胸鑿破其後世宗北征疽發胸間咸以為報應
云隨手雜錄柴世宗銷天下銅像以為錢真定像高
大不可施工有司請免既而北伐命以礮擊之中佛乳
竟不能毀未幾世宗癰發乳間而殂嘗夜讀書見唐元稹均田圖慨然歎
曰此致治之本也王者之政自此始乃詔頒其圖法使
吏民先習知之期以一歲大均天下之田其規為志意
豈小哉其伐南唐問宰相李穀以計策後克淮南出穀
疏使學士陶穀為贊而盛以錦囊嘗置之坐側其英武
之材可謂雄傑及其虚心聽納用人不疑豈非所謂賢
主哉其北取三關兵不血刃而史家猶譏其輕社稷之
重而僥倖一勝于倉卒殊不知其料強弱較彼我而乘

述律之殆得不可失之機此非明於決勝者孰能至哉

誠非史氏之所及也五代史史臣曰夫四序之氣寒往

堯舜之揖讓漢魏之傳禪皆知其數而順乎人也況恭

帝當統綺之冲年會笙鏞之變響聽謳歌之所屬知命

歷之有在能遜其位不亦善乎終謚為恭固其宜矣

稽古錄臣光曰太祖負震主之威挾不賞之功措身無

所乘危而發雖履天下之籍而家室先覆矣世宗以異

姓之親入承大統知近世之弊起于威令不行下陵上

替故高平之役首誅樊何以振軍法遂能變弱為強因

敗為功乘勝逐北至于太原歸而簡師習戰并心進取

于是南割江淮西克秦鳳北開關南攻無堅城戰無強

陳又以桴鼓之隙治歷律興禮樂審法令修政事收賢

才養百姓可謂能知治安之本矣大功未成中道而夭

蓋太平之業天將啓聖人而授之固非人謀之所及也

舉往往置之極刑予既書于續筆矣薛居正舊史記載

其事甚備而歐陽公多其去今畧記于此樊愛能何徽

以用兵先潰軍法當誅無可言者其他如宋州巡檢供

奉官竹奉璘以捕盜不獲左羽林大將軍孟漢卿以監

納取耗刑部員外郎陳渥以檢田失實濟州馬軍都指

揮使康儼以橋道不謹內供奉官孫延熙以督修永福

殿而役夫有就瓦中噉飯者密州防禦副使侯希進以

不奉使者命檢視夏苗左藏庫使符令光以造軍士袍

罪有不死州防禦使張順以隱落稅錢皆抵極刑而其

則暑來五行之數金銷則火盛故

乃云謁周高祖未詳孰是 又五代補錄五卷晁氏曰
皇朝陶岳撰祥符壬子以五季史書闕畧因書所聞得
一百七事陳氏曰每代為一卷凡一百七條岳雍熙二
年進士又五代史闕文一卷晁氏曰皇朝王禹偁撰
錄五代史筆避嫌漏畧者以備闕文 又五代史纂誤
五卷雜錄一卷晁氏曰皇朝吳縝撰凡二百餘事皆歐
陽永叔新五代史抵牾舛訛也按通鑑考異證歐陽史
差誤如莊宗還三矢事之類甚衆今此書皆不及之特
證其字之脫錯而已又善本未必皆然 又五代會要
三十卷晁氏曰皇朝王溥等撰采梁至周典故纂次建
隆初
上之

五代史記卷第十二下

五代史記卷第十三

廬陵歐陽脩撰

徐無黨原注

南昌彭元瑞注

劉鳳誥排次

嗚呼梁之惡極矣自其起盜賊至於亡唐其遺毒流於
天下天下豪傑四面並起孰不欲戡及於其胸然卒不
能少挫其鋒以得志梁之無敵於天下可謂虎狼之彊
矣及其敗也困於一二女子之娛至於洞胸流腸剖若
羊豕禍生父子之間乃知女色之能敗人矣自古女禍
大者亡天下其次亡家其次亡身身苟免矣猶及其子
孫雖遲速不同未有無禍者也然原其本未始不起於

忽微易坤之初六曰履霜堅冰至家人之初九曰閑有家悔亡其言至矣可不戒哉梁之家事詩所謂不可道者也至於唐晉以後親疏適庶亂矣作家人傳

梁家人傳第一

梁太祖母曰文惠皇后王氏

五代史文惠皇太后王氏開平初追諡

單州

單父人也其生三子長曰廣王全昱次日朗王存其次太祖后少寡攜其三子傭食蕭縣人劉崇家太祖壯而無賴縣中皆馱苦之崇患太祖慵惰不作業數加笞責獨崇母憐之時時自為櫛沐戒家人曰朱三非常人也宜善遇之黃巢起太祖與存俱亡為盜從巢攻廣州存

戰死居數歲太祖背巢降唐反以破巢遂鎮宣武乃遣人以車馬之蕭縣迎后于崇家使者至門后惶恐走避謂劉氏曰朱三落魄無行作賊死矣何以至此耶使者具道太祖所以然后乃驚喜泣下與崇母俱載以歸

府册

元龜劉崇太祖微時嘗傭力崇家及即位召崇用之歷殿中監商州刺史崇之母撫梁祖有恩梁祖號為國婆徐宋之民謂崇家為秦龍劉家子鼎起家大理評事五代史劉鼎字公度徐州蕭縣人祖泰蕭縣令父崇梁太祖微時嘗傭力崇家及即位召崇用之歷殿中監商州刺史崇之母撫梁祖有恩梁祖號為國婆謂崇家為秦龍劉家子鼎起家大理評事歷尚書博士殿中侍御史起居郎清泰中自吏部員外郎出為潭州廉判入為刑部郎中充鹽鐵判官改吏部郎中兼侍御史知雜事乾祐初拜諫議大夫卒年五十五鼎善交遊能談笑居家仁孝事繼母趙氏甚謹異母昆仲凡七人撫之如一性若寬易而典選曹按吏有風稜人稱為能

子衮登進士第文彩適雋仕封晉國太夫人北夢瑣言周為左拾遺直史館早卒

於沛盛飾輿馬使人迎母於崇家王氏惶恐辭避深藏不之信謂人曰朱三落拓無行何處作賊送死焉能自

致富貴沛帥非吾子也使者具陳離鄉去里之由歸國立功之事王氏方泣而信是日與崇母並迎歸沛溫盛

禮郊迎人士改觀崇以舊恩位至列卿為商州刺史王氏以溫貴封晉國太夫人太祖置酒太

夫人前舉觴為壽歡甚太祖啓曰朱五經平生讀書不登一第有子為節度使無忝於先人矣后惻然良久曰

汝能至此可謂英特然行義未必如先人也太祖莫知其故后曰朱二與汝俱從黃巢獨死蠻嶺其孤皆在午

溝汝今富貴獨不念之乎太祖泣涕謝罪乃悉召存諸子以歸

北夢瑣言仲兄存於賊中為矢石所中而卒溫置酒於母歡甚語及家事謂母曰朱五經辛苦

儒業不登一命今有子為節度使無忝前人矣母不憚良久謂溫曰汝致身及此信為英特行義未必如先人

朱二與汝同入賊軍身死蠻嶺孤男稚女艱食無告汝未有恤孤之心英特即有諸無取也溫垂涕謝罪即令

召諸兒子皆至沛友寧友倫皆立軍功位至方鎮林玉露朱溫父誠以五經教授鄉里號朱五經溫為節

度使其母王氏猶備食蕭縣劉崇家始迎以歸溫舉觴為壽啓曰朱五經平生讀書不登一第有子為節度使

無忝於先人矣母惻然良久曰汝能至此可謂英特然行義未必如先人也賢哉此媪深哉此言其於朱五經

之學必蓋太祖剛暴多殺戮后每誠之多賴以全活五代嘗有聞矣

史太祖性孝愿奉太后未嘗小失色朝夕視膳為土君子之規範帝嚴察用法無纖毫假貸太后言之帝頗為

省大順二年秋后疾卜者曰宜還故鄉乃歸卒于午溝

太祖即位立四廟追尊皇考為文穆皇帝后曰文惠皇

后

太祖元貞皇后張氏

五代史元貞皇后張氏乾化中追諡五代會要太祖皇后張氏早

崩開平二年追封賢妃至乾化二年十一月二十三日追封日元貞皇后單州碭山縣渠亭

里富家子也太祖少以婦聘之生末帝太祖貴封魏國夫人后賢明精悍動有禮法雖太祖剛暴亦常畏之太祖每以外事訪之后言多中太祖時時暴怒殺戮后嘗救護人賴以獲全太祖嘗出兵行至中途后意以為不然馳一介召之如期而至柳王友裕攻徐州破朱瑾于石佛山瑾走友裕不追太祖大怒奪其兵友裕惶恐與數騎亡山中久之自匿于廣王后陰使人教友裕脫身自歸友裕晨馳入見太祖拜伏庭中泣涕請死太祖怒

甚使左右捽出將斬之后聞之不及履走庭中持友裕泣曰汝束身歸罪豈不欲明非反乎太祖意解乃免太祖已破朱瑾納其妻以歸后迎太祖于封邱太祖告之后遽見瑾妻瑾妻再拜后亦拜悽然泣下曰究鄆與司空同姓之國昆仲之間以小故興干戈而使吾媿至此若不幸汴州失守妾亦如此矣言已又泣太祖為之感動乃送瑾妻為尼后常給其衣食司空太祖時檢校官也天福元年后以疾卒太祖卽位追冊為賢妃初葬開封縣潤色鄉末帝立追諡日元貞皇太后祔于宣陵后已死太祖始為荒淫卒以及禍云

北夢瑣言梁祖魏國夫人張氏碭山富室

女父蕤曾為宋州刺史温時聞張有姿色私心傾慕有麗華之歎及温在同州得張於兵間因以婦禮納之温以其宿款深加禮異張賢明有禮温雖虎狼其心亦所景伏每軍謀國計必先延訪或已出師中途有所不可張氏一介請旋如期而至其信重如此初收兗鄆得朱瑾妻温告之曰彼既無依寓於輜車張氏遣人召之瑾妻再拜張氏答拜泣下謂之曰充鄆與司空同姓之國昆仲之間以少故尋戈致吾妯如此設不幸汴州失守妾亦似吾妯之今日也又泣下乃度為尼張恒給其費張既卒繼寵者非人及僭號後大縱朋淫骨月聚鹿帷薄荒穢以致友珪之禍起於婦人始能以柔婉之德制豺虎之心如張氏者不亦賢乎

昭儀陳氏宋州人也少以色進太祖已貴嬪妾數百而昭儀專寵太祖嘗疾昭儀與尼數十人晝夜為佛法未嘗少懈太祖以為愛己尤寵之開平三年度為尼居宋州佛寺

昭容李氏亦以色進尤謹愿未嘗去左右太祖病晝寢方寐忽棟折獨李氏侍側遽牽太祖衣太祖驚走棟折寢上太祖德之拜昭容皆不知其所終五代會要內職梁太祖昭儀陳

李氏昭容

末帝德妃張氏五代史末帝德妃張氏其父歸霸事太祖為梁功

臣帝為王時以婦聘之帝即位將册妃為后妃請待帝

郊天而帝卒不得郊貞明五年妃病甚帝遽册為德妃

其夕薨年二十四五代會要少帝妃張氏乾化四年九月二十四日册為德妃其夕薨

次妃郭氏父歸厚事梁為登州刺史妃少以色進梁亡

莊宗入宮梁故妃妾皆號泣迎拜賀王友雍妃石氏有

色莊宗召之石氏慢罵莊宗殺之次以召妃妃懼而聽命已而度為尼賜名誓正居于洛陽初莊宗之入汴也末帝登建國樓謂控鶴指揮使皇甫麟曰晉吾世讎也不可俟彼刀鋸卿可盡我命無使我落讎人之手麟與帝相持慟哭是夕進刃於帝麟亦自剄莊宗入汴命河南張全義葬其尸藏其首於太社晉天福三年詔太社先藏罪人首級許親屬收葬乃出末帝首遣右衛將軍安崇阮與妃同葬之妃卒洛陽文昌雜錄梁均王晉天福中始葬故妃張氏猶存考功員外商鵬為誌文曰七月有期不見望陵之妾九疑無色空餘泣竹之妃五代史安崇阮字晉臣潞州上黨人也少倜儻有詞辯善騎射父文祐為牙門將唐光啟中潞州軍校劉廣逐節度使高潯據其城僖宗

詔文祐平之既殺劉廣召赴行在授邛州刺史其後孟方立據邢洛率兵攻上黨朝廷以文祐本潞人也授昭義節度使令討方立自蜀至澤州與方立戰敗殁于陣昭宗朝宰臣崔魏公以文祐歿于王事薦崇阮于朝自是累任諸衛將軍梁氏革命以崇阮明辯遣使吳越迴以所獲橐裝悉充貢奉梁祖嘉之故每歲乘輅于江浙間及迴貢獻皆如初梁末帝嗣位授客省使知齊州事時梁軍與莊宗對壘于河上冀王友謙以河中叛末帝使段凝領軍經略蒲晉詔崇阮監軍又知華雍軍府事暮年授青州兵馬留後人為諸衛上將軍唐天成中授黔南節度使檢校太保尋移鎮夔州以蜀寇侵逼棄城歸闕改晉州節度使復為諸衛上將軍高祖登極之二年詔葬梁末帝以崇阮梁之舊臣令主葬事崇阮盡哀致禮以襄其事時人義之五年以老病請告授右衛上將軍致仕開運元年九月卒於西京贈太傅

太祖二兄曰全昱曰存八子長曰友裕次曰友珪友璋友貞友雍友徽友孜其一養子曰友文開平元年五月

乙酉封友文為博王友珪郢王友璋福王友貞均王友

雍賀王容齋四筆薛氏五代史梁太祖開平元年五月

試秘書省校書郎賀王友雍為銀青光祿大夫檢校工

部尚書兼御史大夫以親王而階將仕郎仍試銜初品

雖典章掃地之時恐不應爾也友徽建王友裕前即位卒追封郴王而

康王友孜末帝即位封五代史福王友璋太祖第五子

子受禪後封建王友徽太祖第七子受禪後封康王友

孜太祖第八子末帝即位後封以反誅五代會要梁

太祖長子友裕郴王開平三年十月追封第二子友文

博王開平元年五月九日冊封第三子友珪郢王開平

元年五月九日封至乾化二年六月三日篡位偽改鳳

曆元年三月十七日京城軍亂侍衛都將袁象先率兵

入宮友珪自殺少帝即位追削為庶人第五子友璋福

王第六子友雍賀王第七子友徽建王開平元年五月

九日封第八子友敬康王乾化三年三月十二日封梁

太祖長女安陽公主降羅延規早卒開平二年八月追

封長樂公主降趙巖開平元年五月十一日封普寧公

主降王昭祚開平元年五月十一日封金華公主開平

二年十月封真寧公主乾化三年十月五日封少帝長

女壽春公主乾化三年四月五日封第二女壽昌公主

正明九年九月二十三日封通鑑乾友璋初為壽州

化三年三月丙辰立弟友敬為康王

團練使押左右番殿直監豐德庫友珪時為鄆州雷後

末帝時為忠武軍節度使徙鎮武寧及友雍友徽皆不

知其所終

廣王全昱太祖即位封五代史廣王全昱太祖長兄受

乙酉立兄全太祖與仲兄存俱亡為盜全昱獨與其母

昱為廣王

猶寄食劉崇家太祖已貴乃與其母俱歸宣武領嶺南

西道節度使以太師致仕太祖將受禪有司備禮前殿

全昱視之顧太祖曰朱三爾作得否太祖燕居宮中與諸王飲博全昱酒酣取骰子擊盆而迸之呼太祖曰朱三爾礪山一百姓遭逢天子用汝為四鎮節度使於汝何負而滅唐家三百年社稷吾將見汝赤其族矣安用博為太祖不悅罷會王堂閑話骰子數匝廣王全昱忽祖動容廣王曰你受它爾許天官職久遠家族得安否於是大怒擲戲具於階下抵其盆而碎之暗鳴睚眦數日不止鶴林玉露溫篡位之日與宗戚飲博酒酣其兄全昱忽投瓊擊盆中迸散晚曰朱三爾礪山一百姓從黃巢為盜天子用汝為四鎮節度使於汝何負而滅唐家三百年社稷吾行見汝赤其族矣何以博為困學紀聞朱溫之兄全昱楊涉之子凝式人心之公是非在其家者如此況天下千萬人之心乎全昱亦不樂在京師常居礪山故里冊府元龜庶人篡位授宋州節度使乾化元年還睢

陽命內臣拜餞都外王出宿至於偃師仍詔其子衡王友諒侍從以歸三子皆封王友諒

衡王友能惠王友誨邵王乾化元年升宋州為宣武軍

以友諒為節度使友諒進瑞麥一莖三穗太祖怒曰今

年宋州大水何用此為乃罷友諒居京師太祖臥病全

昱來視疾與太祖相持慟哭太祖為釋友諒使與東歸

貞明二年全昱以疾薨五代史貞明二年卒五代會要德靖梁贈尚書令廣王全昱

諡五代史闕文全昱梁祖之兄也既受禪官中開宴惟親王得與因為博戲全昱酒酣忽起取骰子擊盆迸

散大呼梁祖曰朱三汝礪山一民因天下飢荒入黃巢作賊天子用汝為四鎮節度使富貴足矣何故滅他李

家三百年社稷稱王稱朕吾不忍見血吾族矣安用博為梁祖不悅而罷臣謹按梁史廣王全昱傳曰昱樸野

常呼帝為三宮中博戲之事諱之夫梁祖弒二君弒一皇后名臣被害者不可勝紀及莊宗即位盡誅朱氏惟

全昱先令終至道初知單州有稱廣王之後徒衡王友

諒嗣封廣王五代史友諒全昱子初封衡王後嗣廣王

師唐師入汴與友能友誨同日遇害友能為宋滑二州雷後五代史友能

王後為宋滑二州雷後陳州刺史所至為不法姦人多依倚之而

陳俗好淫祠左道其學佛者自立一法號曰上乘書伏

夜聚男女雜亂妖人母乙董乙聚眾稱天子建置官屬

友能初縱之乙等攻劫州縣末帝發兵擊滅之自康王

友孜謀反伏誅末帝始疎斥宗室宗室皆反仄貞明四

年友能以陳州兵反犯京師至陳雷兵敗還走陳州後

數月降末帝赦之降為房陵侯通鑑龍德元年夏四月陳州刺史惠王友能反

舉兵趣大梁詔陝州雷後霍彥威宣義節度使王彥章

控鶴指揮使張漢傑將兵討之友能至陳雷兵敗走還

陳州諸軍圍之秋七月惠王友能

降庚子詔赦其死降封房陵侯友誨為陝州節度使

欲以州兵為亂末帝召還京師與友諒友能皆被幽囚

梁亡莊宗入汴皆見殺五代史友誨全昱子封邵王乾

化元年以檢校兵部尚書充控

鶴指揮使坐友能反廢後為唐兵所殺通鑑初梁陝

州節度使邵王友誨全昱之子也性穎悟人心多向之

或言其誘致禁軍欲為亂梁主召還與其兄友諒友能

並幽於別第及唐師將至梁主疑兄弟乘危謀亂并皇

弟賀王友雍建王友徽並殺之通鑑考異薛史曰友

諒友能友誨莊宗入汴同日遇害按中都既敗均王親

弟猶疑而殺之况其從弟嘗為

亂者豈得獨存故附於此也

朗王存初與太祖俱從黃巢攻廣州存戰死存子友寧

友倫友寧字安仁幼聰敏喜愠不形於色太祖以為軍

校善用弓劍遷衙內制勝都指揮使龔州刺史五代史安王友

寧字安仁少習詩禮長喜兵法有倜儻之風太祖鎮汴

累署軍職每因出師多命統驍果以從及擒秦宗權太

祖令友寧監送宗權西獻于長安詔加檢校右散騎常

侍行右監門衛將軍自是繼立軍功累官至檢校司空

兼龔柳二太祖圍鳳翔遣友寧東備宣武王師範龔梁

州刺史

圍齊州友寧引兵擊之奪馬千匹斬首數千級五代史

軍岐下遣友寧領所部兵先歸梁苑以備守禦屬青帥

王師範搆亂以關東諸兵悉在岐隴欲乘虛竊發自齊

魯至于華下羅布姦黨皆誅以委輸貢奉為名陰與淮

夷并門結好會有青人詣裴迪言其狀迪以事告友寧

不俟命乃率兵萬餘人東討師範遣其弟將兵圍齊州

友寧引兵救之青寇大敗奪馬四千蹄斬首數千級

太祖奉昭宗還京師拜友寧建武軍節度使賜號迎鑾

毅勇功臣五代史及昭宗歸長安朝廷議迎駕功友寧

授嶺南西道節度使加特進檢校司徒賜號

迎鑾毅勇功臣太祖復遣攻師範圍博昌屠之清河為之不流

戰于石樓兵敗友寧墜馬見殺五代史時青寇數千越

嶮之伏兵于兗南邀之大破賊眾竟無免者自是兗壁

危窘友寧督諸軍進逼營兵首攻博昌縣月餘未能拔

告急師範趣茂章出戰茂章按兵不動友寧破登州柵
進攻萊州柵比明茂章度其兵力已疲乃與師範合兵
出戰大破之友寧旁自峻阜馳騎赴敵馬仆青州將張
士梟斬之傳首淮南兩鎮兵逐北至米河俘斬萬計魏
博之兵 友倫幼亦明敏通論語小學曉音律五代史密
殆盡 聰悟喜筆札曉聲律及長好騎射有經

度之智太祖每奇之日吾家千里駒也存已死太祖以

友倫為元從馬軍指揮使表右威武將軍五代史年十

表為右武衛將軍漸委戎事燕人攻魏內黃友倫以

前鋒夜渡河奪馬千匹李罕之以潞州降梁晉人攻潞

友倫以兵入潞州取罕之以歸累遷檢校司空領藤州

刺史五代史太祖征兗鄆友倫勒所部兵收聚糧穀以

馬千匹擒斬甚眾因引兵往入議關卒逢晉軍萬餘騎
友倫乃分布兵士多設疑軍因聲鼓誓眾士伍奮躍追

斬數十里其後李罕之請以上黨來歸為晉軍所圍太
祖遣友倫總步騎數萬越嶮救應遂大破晉軍唐朝加
檢校司空守 太祖圍鳳翔晉人襲梁友倫以兵三萬至

藤州刺史 太祖圍鳳翔晉人襲梁友倫以兵三萬至

礬山晉人乃却友倫西會太祖于鳳翔五代史天復元

人乘虛侵于北鄙友倫率徒兵三萬徑往礬山晉人望
塵奔逸友倫與氏叔琮等躡其轍追至太原摩壘挑戰

獲牛馬萬餘二年領所部 昭宗還長安拜友倫寧遠軍

節度使太祖東歸留友倫宿衛伺察昭宗所為通鑑全

朱友倫將兵扈從友倫存之子也友倫擊鞠墜馬死通

以朱友倫為右軍宿衛都指揮使 友倫擊鞠墜馬死通

宿衛都指揮使朱友倫與客擊毬於左軍墜馬而卒全
忠悲怒疑崔允故為之凡與同戲者十餘人盡殺之遣

其兄子友諒 太祖大怒以兵七萬至河中昭宗涕泣不
代典宿衛 太祖大怒以兵七萬至河中昭宗涕泣不

知所為將奔太原不果宰相崔允遣人止太祖太祖以

為友倫允等殺之奏請誅允等昭宗未從乃遣友諒至

京師以兵圍開化坊殺允及京兆尹鄭元規皇城使王

建勳飛龍使陳班閤門使王建龔客省使王建乂前左

僕射張濬五代史三年昭宗歸長安制授友倫寧遠軍

節度使檢校司徒賜號迎鑾毅勇功臣及太祖

東歸留友倫宿衛京師歲餘因會賓擊鞠墜馬太祖

而卒昭宗輟視朝一日詔贈太傅歸葬于礪山縣

即位已封宗室中書上議故皇兄存皇姪建武軍節度

使友寧寧遠軍節度使友倫皆當封於是追封存朗王

友寧安王友倫密王五代史開平初有司上言曰東漢

受命伯升預其始謀西周尚親叔

虞荷其封邑故皇兄存凋零霜露綿歷歲時恩莫逮于

陟岡禮方宏于事日皇姪故邕州節度使友寧故容州

節度使友倫頃因締構俱習韜鈴並以戰功歿于王事

永言帶礪合議封崇于是存追封朗王友寧追封安王

友倫追封密王

郴王友裕字端夫幼善騎射從太祖征伐能以寬厚得

士卒心太祖與晉圍黃鄴于西華鄴卒荷稍登城罵敵

晉王使胡騎連射不能中太祖顧友裕一發中之軍中

皆大譁呼晉王喜遺友裕良弓百矢五代史郴王友裕

也幼善射御從太祖征伐性寬厚頗得士心唐中和中

太祖會并帥李克用攻圍華州賊將黃鄴固守甚堅俄

有一人登陴大言克用合蕃騎連射終不能中命友裕

射之應弦而斃大軍喜噪聲震山谷克用因以良弓百

矢遺太祖鎮宣武以為衙內都指揮使五代史太祖鎮

牙校及蔡賊殄滅朝廷議功加檢校景福元年太祖攻

左僕射尋為牙內馬步都指揮使鄆友裕以先鋒次斗門鄆兵夜擊之友裕敗走太祖從

後來不知友裕之敗也前軍遇敵多死太祖至村落間始與友裕相得是時朱宣在濮州太祖乃遣友裕先以二百騎前太祖後至與友裕相失太祖卒與敵遇敗而走敵兵追之甚急前至大溝幾不免賴溝中有積薪馬乃得過梁將李璠等死者十餘人冬友裕取濮州遂圍時溥于徐州通鑑朱全忠遣其子友裕將兵十萬攻濮州拔之執其刺史邵倫遂令友裕移兵擊溥朱瑾以兵二萬救溥友裕敗瑾于石佛山瑾走都虞候朱友恭讒之太祖以為瑾可追而友裕不追太祖大怒奪其兵屬龐師古以友裕屬吏使者誤致書于友裕友裕惶恐不知所為賴張皇后教之得免權知許州五代

史景福元年總大軍伐徐時朱瑾領兗鄆之眾為徐戎外援陣于彭門南石佛山下友裕縱兵擊之斬獲甚眾瑾領殘黨宵遁時都虞候朱友恭羽書聞于太祖誣友裕按兵不追賊太祖大怒因驛騎傳符令裨將龐師古代友裕為帥仍令按劾其事會使人誤致書于友裕友裕懼遂以數騎遁于山中尋詣廣王于輝州以訴其冤賴元貞皇后聞而召之令東身歸汴力為營救太祖乃捨之合權知許州通鑑朱友裕圍彭城時溥數出兵友裕閉壁不戰朱瑾宵遁友裕不追都虞候朱友恭以書譖友裕於全忠全忠怒驛書下都指揮使龐師古使代之將且按其事書誤達於友裕友裕大懼以二千騎逃入山中潛詣碭山匿於伯父全昱之所全忠夫人張氏聞之使友裕單騎詣汴州見全忠泣涕拜伏於庭全忠命左右摔抑將斬之夫人趨就抱之泣日汝捨兵眾東身歸罪無異志明矣全許州近蔡苦於大寇居民殘忠悟而舍之使權知許州

破友裕招撫流散增戶三萬餘遷諸軍都指揮使與平兗鄆還領許州崔洪奔淮南友裕引兵定蔡州市不易

肆太祖兼鎮護國軍以友裕為留後遷忠武軍節度使

五代史乾寧元年加檢校司空尋為武寧軍節度留後四年太祖下東平改天平軍留後加檢校司徒光啓元

年再領許州天復初為奉國軍節度留後尋遷華州節度使加檢中

校太保太祖攻鳳翔未下去攻邠州友裕破靈臺良原與德尹

下隴州楊崇本以邠州降後崇本復叛太祖遣友裕攻

之屯于永壽友裕以疾卒五代史天祐元年七月兼行營都統領步騎數萬經略邠

岐十月友裕有疾將校乃謀旋師尋卒于梨園歸葬東京開平初追贈椰王乾化三年又贈太師五代會要

梁太祖長子友裕椰王開平三年十月追封

博王友文字德明本姓康名勤幼美風姿好學善談論頗能為詩太祖養以為子太祖領四鎮以友文為度支

鹽鐵制置使太祖用兵四方友文征賦聚斂以供軍費

太祖即位以故所領宣武宣義太平護國四鎮征賦置

建昌宮總之以友文為使封博王五代史博王友文本姓康名勤太祖養以

為子受禪後封為王為東京留守嗜酒頗怠于為政太祖幸西都友文留守東京

庶人友珪者太祖初鎮宣武略地宋亳間與逆旅婦人

野合而生也五代史友珪小字遙喜母失其姓本亳州營妓也唐光啓中帝徇地亳州召而侍寢

月餘將捨之而去以娠告是時元貞張后賢而有寵帝素憚之由是不果攜歸大梁因留亳州以別宅貯之及

期妓以生男來告帝喜故字之曰遙喜後迎歸汴長而辯黠多智五代史受禪後封郢王開

平四年十月檢校司徒充左右控鶴都指揮博王友文使兼管四蕃將軍乾化元年充諸軍都虞候

多材藝太祖愛之而年又長太祖即位嫡嗣未立心嘗

屬友文太祖自張皇后崩無繼室諸子在鎮皆邀其婦入侍友文妻王氏有色尤寵之太祖病久王氏與友珪妻張氏常專房侍疾太祖病少間謂王氏曰吾知終不起汝之東都召友文來吾與之決蓋心欲以後事屬之乃謂敬翔曰友珪可與一郡趣使之任乃以友珪爲萊州刺史太祖素剛暴旣病而喜怒難測是時左降者必有後命友珪大懼其妻張氏曰官家以傳國寶與王氏使如東都召友文君今受禍矣夫婦相對而泣左右勸友珪曰事急計生何不早自爲圖友珪乃易服微行入左龍虎軍見統軍韓勅計事勅夜以牙兵五百隨友珪

雜控鶴衛士而入夜三鼓斬關入萬春門至寢中侍疾者皆走太祖惶駭起呼曰我疑此賊久矣恨不早殺之逆賊忍殺父乎友珪親吏馮廷諤以劔犯太祖太祖旋柱而走劔擊柱者三太祖憊仆于牀廷諤以劔中之洞其腹腸胃皆流友珪以裊褥裹之瘞之寢中秘喪四日乃出府庫大資羣臣及諸軍遣受旨丁昭浦矯詔馳至東都殺友文又下詔曰朕艱難創業踰三十年託于人上忽焉六載中外協力期于小康豈意友文陰畜異圖將行大逆昨二日夜甲士突入大內賴郢王友珪忠孝領兵勦戮保全朕躬然而疾恙震驚彌所危殆友珪克

平兇逆厥功靡倫宜委權主軍國然後發喪通鑑帝長

裕早卒次假子博王友珪其母亳州營娼也為左右控鶴都

昌宮使次均王友貞為東都馬步都指揮使初元貞張

皇后嚴整多智帝敬憚之殂帝縱意聲色諸子雖在

外常徵其婦入侍帝往徃亂之友文婦王氏色美帝尤

寵之雖未以友文為天子帝意常屬之友珪心不平友

珪常有過帝撻之友珪益不自安帝疾甚命王氏召友

文於東都欲與之訣且付以後事友珪婦張氏亦朝夕

侍帝側知之密告友珪曰大家以傳國寶付王氏懷徃

東都吾屬死無日矣夫婦相泣左右或說之曰事急計

生何不攻圖時不可失六月丁丑朔帝命敬翔出友珪

為萊州刺史即令之官已宣旨未行勅時左遷者多追

賜死友珪益恐戊寅友珪易服微行入左龍虎軍見統

軍韓勅以情告之勅亦見功臣宿將多以小過被誅懼

不自保遂相與合謀勅以牙兵五百人從友珪雜控鶴

士入伏于禁中夜斬關入至寢殿侍疾者皆散走帝

驚起問反者是誰友珪曰非它人也帝曰我固疑此賊

恨不早殺之汝悖逆如此天地豈容汝乎友珪曰老賊

萬段友珪僕夫馮廷諤刺帝腹刃出于背友珪自以敗

擅裏之瘞于寢殿秘不發喪遣供奉官丁昭溥馳詣東

都命均王友貞殺友文已卯矯詔稱博王友文謀逆遣

兵突入殿中賴郢王友珪忠孝將兵誅之保全朕躬然

疾因震驚彌致危殆宜令友珪權主軍國之務韓勅為

友珪謀多出府庫金帛賜諸軍及百官以取悅辛巳丁

昭溥還聞友文已死乃發喪宣遺制友珪即皇帝位時

朝廷新有內難中外人情恟恟許州軍士更相告變匡

國節度使韓建皆不之省亦不為備丙申馬步都指揮

使張厚作亂殺建友珪不敢詰甲辰以厚為陳州刺史

乾化二年六月既望友珪于柩前即皇帝位拜韓勅忠

武軍節度使以末帝為汴州畱後河中朱友謙為中書

令友謙不受命而懷州龍驤軍三千劫其將劉重霸據

懷州自言討賊三年正月友珪祀天于洛陽南郊改元

曰鳳厯

清異錄梁家人傳郢王鳳厯之叛別制幞頭都

如唐巾但更雙脚為仙藤耳其徒號為順裏

太祖外孫袁象先與駙馬都尉趙巖等謀與末帝討賊

二月象先以禁兵入宮友珪與妻張氏趨北垣樓下將

踰城以走不果使馮延諤進刃其妻及已廷諤亦自殺

末帝即位復友文官爵五代史友珪弒逆並殺友文末帝即位盡復官爵廢友

珪為庶人五代史二年弒太祖篡位均王以兵討之自殺追廢為庶人

康王友孜目重瞳子嘗竊自負以為當為天子貞明元

年末帝德妃薨將葬友孜使刺客夜入寢中末帝方寐

夢人害已既寤聞榻上寶劍鎗然有聲躍起抽劍曰將

有變耶乃索寢中得刺客手殺之清異錄貞明末帝夜於寢間擒刺客乃康

王友孜所遣帝自戮之造雲母匣貯所用劍名匣曰護聖將軍之館遂誅友孜明日謂趙

巖張漢傑曰幾與卿輩不相見由此遂踈弱宗室而信

任趙張以至於敗云

嗚呼春秋之法是非與奪之際難矣哉或問梁太祖以

臣弒君友珪以子弒父一也與弒即位踰年改元春秋

之法皆以君書而友珪不得列於本紀何也且父子之


惡均而奪其子是與其父也豈春秋之旨哉予應之曰

梁事著矣其父之惡不待與奪其子而後彰然末帝之

志不可以不伸也春秋之法君弒而賊不討者國之臣

子任其責予於友珪之事所以伸討賊者之志也

五代史記卷第十三



五代史記卷第十四

廬陵歐陽脩撰

南昌彭元瑞注

徐無黨原注

劉鳳誥排次

唐太祖家人傳第二

太祖正室劉氏代北人也

五代史太妃劉氏武皇之正室也五代會要後唐太祖

妃劉氏同光元年四月冊為皇太妃

其次妃曹氏太原人也太祖封晉王

劉氏封秦國夫人自太祖起兵代北劉氏常從征伐為

人明敏多智略頗習兵機常教其侍妾騎射以佐太祖

太祖東追黃巢還軍過梁館于封禪寺梁王邀太祖入

城置酒上源驛夜半以兵攻之太祖左右有先脫歸者

以難告夫人夫人神色不動立斬告者陰召大將謀保
 軍以還遲明太祖還軍與夫人相嚮慟哭因欲舉兵擊
 梁夫人曰公本為國討賊今梁事未暴而遽反兵相攻
 天下聞之莫分曲直不若斂軍還鎮自訴于朝太祖從
 之北夢瑣言晉王李克用妻劉夫人常隨軍行至子軍
 機多所宏益先是汴州上源驛有變晉王憤恨欲回
 軍攻之夫人曰公為國討賊而以杯酒私忿必若攻城
 即曲在於我不如回師自有朝廷可以論列於是班退
 其後太祖擊劉仁恭敗歸梁遣氏叔琮康懷英等連歲
 攻晉圍太原晉兵屢敗太祖憂窘不知所為大將軍李
 存信等勸太祖亡入北邊收兵以圖再舉太祖然之入
 以語夫人夫人問誰為此謀者曰存信也夫人罵曰存

信代北牧羊兒耳安足與計成敗耶且公常笑王行瑜
 弃邠州走卒為人擒今乃自為此乎昔公亡奔達鞞幾
 不能自脫賴天下多故乃得南歸今屢敗之兵散亡無
 幾一失其守誰能從公北邊其可至乎太祖大悟乃止
 已而亡兵稍稍復集通鑑克用弟克寧為忻州刺史聞
 汴寇至中塗復還晉陽曰此城吾
 死所也去將何之眾心乃定北夢瑣言天復中周德
 威為汴軍所敗三軍潰散汴軍乘我晉王危懼與李存
 信議欲出保雲州夫人曰存信本北方牧羊兒也焉顧
 成敗王常笑王行瑜棄城失勢被人屠割今復欲效之
 何也王頃歲避難達鞞幾遭陷害賴遇朝廷多事方得
 復歸今一旦出城便有不測之變焉能遠及晉王止行
 居數日亡散之士復集軍城安定夫人之力也夫人無子性賢不妬忌常為太
 祖言曹氏相當生貴子宜善待之通鑑克用寵姬曹氏
 生存勗劉夫人待曹

氏加厚克用以是益賢之諸姬有子而曹氏亦自謙退

輒命夫人母之夫人教養悉如所生因相得甚歡曹氏封晉國夫人後生子是謂莊宗太祖

奇之曹氏由是專寵太祖性暴怒多殺人左右無敢言

者惟曹氏從容諫譬往往見聽五代史武皇帝貞簡皇后曹氏莊宗之母也太

原人以良家子嬪于武皇姿質閒麗性謙退而明辨雅

為秦國夫人所重常從容謂武皇曰妾觀曹姬非常婦

人王其厚待之武皇多內寵乾寧初平燕薊得李匡儔

妻張氏姿色絕代嬖幸無雙時姬侍盈室罕得進御唯

太后恩顧不衰武皇性嚴急左右有過必峻于譴罰無

敢言者唯太后從容救諫即為解顏及莊宗載誕體貌

奇傑武皇異而憐之太后益寵貴諸夫及莊宗立事曹

人咸出其下后亦恭勤內助左右稱之

氏尤謹其救趙破燕取魏博與梁戰河上十餘歲歲常

馳歸省其母至三四人皆稱其孝五代史武皇薨莊宗

嗣晉王位時李克寧

李存顯謀變人情危懼太后召監軍張承業指莊宗謂

之曰先人把臂授公此兒如聞外謀欲孤付託公等但

置之母子有地毋令乞食于汴幸矣承業因誅存顯克

寧以清內難莊宗善音律喜伶人諱浪太后常提耳誨

之天祐七年鎮定求援莊宗促命治兵太后曰予齒漸

衰兒但不墜先人之業為幸矣何事櫛風沐雨離我晨

昏莊宗曰稟先王遺旨須滅仇讎山東之事機不可失

及發太后餞于汾橋悲不自勝莊宗平定趙魏駐于鄴

城每歲之內馳駕歸寧莊宗即位冊尊曹氏為皇太

者數四民士服其仁孝莊宗即位冊尊曹氏為皇太

后五代史太后初封晉國夫人莊宗即位命宰臣盧損

奉冊書上皇太后尊號五代會要後唐太祖皇后

曹氏同光元年四月冊為皇太后二月而以嫡母劉氏

二日勅皇太后所居宮宜名長壽宮

為皇太妃太妃往謝太后太后有慚色太妃曰願吾兒

享國無窮使吾獲没于地以從先君幸矣復何言哉莊

宗滅梁入洛使人迎太后歸洛居長壽宮而太妃獨留

晉陽通鑑上遣皇弟存渥皇子繼岌迎太后太妃于晉陽太妃曰陵廟在此若相與俱行歲時何人奉祀遂雷不來同光三年五月太妃薨七月太后崩諡曰貞簡葬

于坤陵五代會要後唐同光三年十月貞簡皇太后葬于坤陵初上欲祔于代州太祖園陵中書門下

奏議曰伏以人君以四海為家不當分南北洛陽是帝王之宅四時朝拜理須便近不能遠幸代州今漢朝諸陵皆近秦雍國朝陵寢布列京畿後魏文帝自代遷洛氏諸陵尚在京畿祔葬而太妃無諡葬魏縣太妃與太

后甚相愛其送太后于洛也涕泣而別歸而相思慕遂至不起太后聞之欲馳至晉陽視疾及其卒也又欲自

往葬之莊宗泣諫羣臣交章請留乃止而太后自太妃卒悲哀不飲食逾月亦崩五代史其年平定河南西幸洛陽令皇弟存渥皇子繼岌

就太原迎奉莊宗親至懷州迎歸長壽宮太后素與劉太妃善分訣之後悒然不樂俄聞太妃寢疾尚醫中使

問訊結轍既而謂莊宗曰吾與太妃恩如伯仲彼經年抱疾但見吾面差足慰心吾暫至晉陽旬朔與之俱來

莊宗曰時方暑山路崎嶇無煩往復可令存渥輩迎侍太妃乃止及凶問至太后慟哭累旬由是不豫尋崩

于長壽宮同光三年冬十月七月上諡曰貞簡皇太后葬于壽安陵五代會要三年七月崩諡曰正簡八月中書

門下奏據禮儀使狀准禮及故事太常少卿定諡太常卿署定後集百官連署諡狀訖讀於太祖武皇帝室然後

差丞郎一人撰冊文別定日命太尉上諡冊于西宮靈座同日差官告諡于天地太徽宮宗廟如常告之儀從之至九月月中書門下奏太皇太后諡讀于太廟太祖武皇帝室其日合集兩省御史臺五品以上尚書省四品以上官于太廟序立俟行告禮畢中書省班首一人升階詣太祖武皇帝讀諡訖奏聞別擇日上諡冊于西宮靈座及祭告天地宗廟從之又內職後唐魏國夫人

陳氏襄州人本昭宗之宮嬪也乾寧二年武皇奉詔討
 王行瑜駐軍于渭北昭宗降朱書御札出陳氏及內妓
 四人以賜武皇陳氏素知書有才貌武皇深加寵重及
 光化之後時事多艱武皇常獨居深念嬪媵鮮得侍謁
 唯陳氏得召見陳氏性既靜退不以寵侍自侈武皇帝
 呼為阿嬌及武皇大漸之際陳氏侍醫藥垂泣言妾為
 王執掃除之役十有四年矣王萬一不幸妾將何託既
 不能以身為殉願落髮為尼為王讀一藏佛經以報平
 昔武皇為之流涕及武皇薨陳氏果落髮持經法名智
 願後居于洛陽佛寺莊宗賜號建法大師天成中明宗
 幸其院改賜圓惠大師晉天福中卒于太原追諡光國
 大長公主降孟知祥同光三年十二月封第二
 女瑤英長公主降張延釗同光三年十二月封

莊宗神閔敬皇后劉氏魏州成安人也莊宗正室曰衛

國夫人韓氏五代史韓暉字子重太原晉陽人曾祖俊

州刺史暉世仕太原昆仲為軍職惟暉親狎儒士好為
 歌詩聚書數千卷乾寧中後唐莊宗納其妹為妃初為

嫡室故莊宗深禮其家而暉以文學署交城文水令人
 為太原少尹莊宗平定趙魏為魏州支使莊宗即位授
 右散騎常侍從駕至洛陽轉尚書戶部侍郎天成初改
 秘書監俄而馮道為丞相與暉有同幕之舊以暉性謹
 厚尤左右之尋遷禮部尚書丁內憂服闋授戶部尚書
 明宗晏駕馮道為山陵使引暉為副使清泰初以充奉
 之勞授檢校尚書右僕射絳州刺史踰年入為太子賓
 客高祖登極以暉先朝懿戚深加禮遇除授貝州刺史
 時范延光有跋扈之狀暉懼其見逼遲留不敢赴任高
 祖不悅復授太子賓客尋改兵部尚書天福七年夏車
 駕在鄴暉病脚氣卒于其次燕國夫人伊氏五代史伊
 龍興寺時年六十餘其後廣中和末除授忻州刺史遇天
 元和中右僕射慎之廣中情灑落善占對累歷右職
 下大亂乃委質于武皇廣襟情灑落善占對累歷右職
 授汾州刺史時武皇主盟諸侯景附軍機締結聘遣旁
 午廣奉使稱旨累遷至檢校司徒乾寧四年從征劉仁
 恭武皇之師不利于成安寨廣歿于賊有其次后也五
 女為莊宗淑妃子承俊歷貝遼二州刺史其次后也五
 史莊宗神閔敬皇后劉氏淑妃韓初封魏國夫人后父
 氏莊宗正室德妃伊氏莊宗次室

五代史記卷一百一十四 唐書傳 五

劉叟黃鬚善醫卜自號劉山人后生五六歲晉王攻魏
掠成安裨將袁建豐得后納之晉宮貞簡太后教以吹
笙歌舞既笄甚有色莊宗見而悅之莊宗已為晉王太
后幸其宮置酒為壽自起歌舞太后歡甚命劉氏吹笙
佐酒酒罷去畱劉氏以賜莊宗先時莊宗攻梁軍于夾
城得苻道昭妻侯氏寵專諸宮宮中謂之夾寨夫人莊
宗出兵四方常以侯氏從軍其後劉氏生子繼岌莊宗
以為類已愛之由是劉氏寵益專客退紀談唐莊宗嘗
自傅粉墨與優人共
戲于庭內以自下魏博戰河上十餘年獨以劉氏從五代
悅劉夫人
史纂誤今按本紀梁末帝貞明元年歲次乙亥魏博諸
州入于晉至龍德三年歲次癸未梁亡首尾共九年不

得為十餘年也劉氏多智善迎意承旨其佗嬪御莫得進見其

父聞劉氏已貴詣魏宮上謁莊宗召袁建豐問之建豐

曰臣始得劉氏于成安北隲時有黃鬚丈人護之乃出

劉叟示建豐建豐曰是也然劉氏方與諸夫人爭寵以

門望相高因女怒曰妾去鄉時略可記憶妾父不幸死

于亂兵妾時環尸慟哭而去此田舍翁安得至此因命

笞劉叟于宮門莊宗已即皇帝位欲立劉氏為皇后而

韓夫人正室也伊夫人位次在劉氏上以故難其事而

未發宰相豆盧革樞密使郭崇韜希旨上章言劉氏當

立莊宗大悅同光二年四月己卯皇帝御文明殿遣使

冊劉氏為皇后五代史纂誤今按莊宗紀乃是同光二年二月癸未立皇后劉氏與此不同未

是知孰皇后受冊乘重翟車鹵簿鼓吹見于太廟韓夫人

等皆不平之五代會要同光二年四月太常禮院奏准制以次月十三日行皇后冊命簡詳臨

軒命使冊皇后舊儀皇后廟見如納后之儀受冊後合

別定廟見日其日皇后乘重翟車鹵簿鼓吹儀仗導從

從之又奏議按開元禮臨軒冊皇后表謝朝皇太后

並如納后之儀不載朝謝皇帝之禮准納后儀則皇帝

服袞冕降迎于門恐禮太重今詳酌請其日常服御內

殿皇后首飾禕衣尚儀引入至殿廷階間再拜又再拜

訖退如常乃封韓氏為淑妃伊氏為德妃莊宗自滅梁

志意驕怠宦官伶人亂政后特用事于中自以出于微

賤踰次得立以為佛力又好聚斂分遣人為商賈至于

市肆之間薪芻果茹皆稱中宮所賣四方貢獻必分為

二一以上天子一以入中宮宮中貨賄山積惟寫佛書

饋賂僧尼而莊宗由此亦佞佛有胡僧自于闐來莊宗

率皇后及諸子迎拜之僧遊五臺山遣中使供頓所至

傾動城邑又有僧誠惠自言能降龍嘗過鎮州王鎔不

為之禮誠惠怒曰吾有毒龍五百當遣一龍揭片石常

山之人皆魚鼈也會明年滹沱大水壞鎮州關城人皆

以為神莊宗及后率諸子諸妃拜之誠惠安坐不起由

是士無貴賤皆拜之獨郭崇韜不拜也北夢瑣言五臺山僧誠慧其徒

號為降龍大師鎮州大水壞其南城誠慧曰彼無信心

吾使一小龍警之自言能役使毒龍故也同光初到闕

權貴皆拜之唯郭崇韜知其為人終不設拜京師旱迎

寺慚恚而終建塔號法雨大師何其謬也

是時皇太后及皇后交通藩鎮太

后稱誥令皇后稱教命兩宮使者旁午于道許州節度

使溫韜以后佞佛因請以私第為佛寺為后薦福莊宗

數幸郭崇韜元行欽等私第常與后俱其後幸張全義

第酒酣命后拜全義為養父全義日遣姬妾出入宮中

問遺不絕通鑑帝及皇后如張全義第全義大陳貢獻

請父事全義帝許之全義惶恐固辭再三彊之竟受皇

后拜復貢獻謝恩明日后命翰林學士趙鳳草書謝全

義鳳密奏自古無天下之母拜人臣為父者帝嘉其

直然卒行之自是后與全義日遣使往來問遺不絕莊

宗有愛姬甚有色而生子后心患之莊宗晏居宮中元

行欽侍側莊宗問曰爾新喪婦其復娶乎吾助爾聘后

指愛姬請曰帝憐行欽何不賜之莊宗不得已佯諾之

后趣行欽拜謝行欽再拜起顧愛姬肩輿已出宮矣莊

宗不樂稱疾不食者累日同光三年秋大水兩河之民

流徙道路京師賦調不充六軍之士往往殍踣乃預借

明年夏秋租稅百姓愁苦號泣于路莊宗方與后荒于

畋遊十二月己卯臘畋于白沙后率皇子後宮畢從歷

伊闕宿龕澗癸未乃還是時大雪軍士寒凍金鎗衛兵

萬騎所至責民供給壞什器徹廬舍而焚之縣吏畏恐

亡竄山谷明年三月客星犯天庫有星流于天棊占星

者言御前當有急兵宜散積聚以禳之宰相請出庫物

以給軍莊宗許之后不肯曰吾夫婦得天下雖因武功
 蓋亦有天命命既在天人如我何宰相論于延英后于
 屏間耳屬之因取妝奩及皇幼子滿喜置帝前曰諸侯
 所貢給賜已盡宮中所有惟此耳請鬻以給軍宰相惶
 恐而退及趙在禮作亂出兵討魏始出物以賚軍五代史纂
誤今按莊宗紀趙在禮以同光四年二月癸巳反于貝
州甲午陷鄴都甲辰李嗣源討在禮三月嗣源反然則
趙在禮反及嗣源討之皆在一月而星變在三月今此
先敘三月星變之事而後乃及趙在禮作亂則顛倒失
序軍中負而詬曰吾妻子已餓死得此何為莊宗東幸
 汴州從駕兵二萬五千及至萬勝不得進而還軍士離
 散所失大半五代史纂誤今按郭從謙傳云李嗣源兵
反嚮京師莊宗東幸汴州而嗣源先入莊

宗至萬勝不進而還軍士離散尚有二萬餘人且古人
 每謂三分之二為大半今東幸從兵二萬五千去其大
 半則有八九千人耳假令尚及萬人而從謙
 傳乃云尚有二萬餘人則二說自不相合也至罌子谷

道路隘狹莊宗見從官執兵仗者皆以好言勞之曰適
 報魏王平蜀得蜀金銀五十萬當悉給爾等對曰陛下
 與之太晚得者亦不感恩莊宗泣下因顧內庫使張容
 哥索袍帶以賜之容哥對曰盡矣軍士叱容哥曰致吾
 君至此皆由爾輩因抽刀逐之左右救之而免容哥曰
 皇后惜物不以給軍而歸罪于我事若不測吾身萬段
 矣乃投水而死郭從謙反莊宗中流矢傷甚臥絳霄殿
 廊下渴欲得飲后令宦者進殮酪不自省視莊宗崩后

與李存渥等焚加慶殿擁百騎出師子門后于馬上以

囊盛金器寶帶欲于太原造寺為尼在道因與存渥姦

及至太原乃削髮為尼明宗入立遣人賜后死晉天福

五年追諡曰神閔敬皇后五代會要莊宗皇后劉氏同

后莊宗遇內難奔于太原為符彥超所害晉天祐五年

正月二十日追諡曰神閔敬皇后北夢瑣言莊宗

劉皇后魏州成安人家世寒微太祖攻魏州取成安得

后時年五六歲歸晉陽宮為太后侍者教吹笙及笄姿

色絕眾聲伎亦所長太后賜莊宗為韓國夫人侍者後

誕皇子繼岌寵待日隆他日成安人劉叟詣鄴宮見上

稱夫人之父有內臣劉建豐認之即昔日黃鬚丈人后

之父也劉氏方與嫡夫人爭寵皆以門族誇尚劉氏恥

為寒家自莊宗曰妾去鄉之時妾父死于亂兵是時環

屍而哭妾固無父是何田舍翁詐偽及此乃于宮門答

之其實后即叟之長女也莊宗好俳優宮中暇日自負

著囊藥篋令繼岌破帽相隨似后父劉叟以醫卜為業

也后方晝眠乃造其臥內自稱劉衙推訪女后大恚答

繼岌然為太后不禮復以韓夫人居正無以發明大臣

希旨請冊劉氏為皇后議者以出于寒賤好與利聚

財初在鄴都令人設法釋販所鬻樵蘇果茹亦以皇后

為名正位之後凡貢奉先入後宮唯寫佛經施尼師他

無所賜闕下諸軍困乏以至妻子餓殍宰相請出內庫
俵給后將出妝具銀盆兩口皇子滿喜等三人合鬻以
贍軍一旦作亂亡國滅族與夫褒姒姐己無異也先是
莊宗自為俳優名曰李天下雜于塗粉優雜之間時為
諸優扑扶摑搭竟為器婦恩伶之傾玷有國者得不以
為前鑒劉后以囊盛金合犀帶四欲于太原造寺為尼
沿路復通皇弟存渥同簣而寢明宗聞其穢即令自殺
自唐末喪亂后妃之制不備至莊宗時後宮之數尤多
有昭儀昭容昭媛出使御正侍真懿才咸一瑤芳懿德
宣一等其餘名號不可勝紀五代會要內職莊宗淑妃
年十二月冊以宰相豆盧革韋說為冊使出應天門登
輅車鹵簿鼓吹前導至于永福門降車入右銀臺門至

淑妃宮受冊于內文武百官立班稱賀昭儀侯氏封沂國夫人
國夫人昭容夏氏封魏國夫人御正楚真張氏封延陵郡夫人
出使美宣鄧氏封魏國夫人御正楚真張氏封延陵郡夫人
人司簿德美周氏封太原郡夫人威一韓氏封昌黎郡夫人
人懿才王氏封清河郡夫人並同光二年十一月勅瑤芳張氏封扶風郡夫人懿德有昭容昭儀昭媛出使御正侍真懿才咸一瑤芳
通考自唐末喪亂后妃之制不備至莊宗時後宮之數
尤多有一昭容昭儀昭媛出使御正侍真懿才咸一瑤芳
懿德宣一等其餘名號不可勝紀明帝已後又有司寶
司贊司膳司醞司飾司衣過藥梳篦衣服知客寶省書
省第子院使等名皆封國夫人或郡夫人少者縣君前
代內職無封君之禮此一時之制
莊宗遇弒後宮皆散走朱守殷入宮
選得三十餘人冊府元龜明宗天成元年四月即位以
多散流及帝自關東赴難居至德宮稱制宣徽使處按
簿引進猶千餘人時宮使奏日宮中內職各有典掌故事
御帝日何事須此宮使人謂日入宮幾時對日會事乾符
不可闕帝因詔老宮人謂日入宮幾時對日會事乾符

帝諱悉故事帝日宮闈典故非耆艾者曷記所進少年
定非前輩因戲謂老宮人日非惟爾識事故且與予顏
狀同耳是日勅少年宮人並令還其家無家可歸者任
從所適西川所送者亦令罷歸宮中所識者但其舊宮
人而已通鑑莊宗後宮存者猶千餘人宣徽使選其
美少者數百獻于監國日奚用此為對日宮中職
掌不可闕也監國日宮中職掌宜諳故事此輩安知乃
悉用老舊之人補之其少年者皆出歸其親戚無親戚
者任其所適蜀中號國夫人夏氏以嘗幸于莊宗守殷
所送宮人亦準此
不敢畱明宗立悉放莊宗時宮人還其家獨夏氏無所
歸乃以河陽節度使夏魯奇同姓也因以歸之後嫁契
丹突厥李贊華贊華性酷毒喜殺人婢妾微過嘗加封
灼夏氏懼求離婚乃削髮為尼以卒北夢瑣言夫人夏
契丹突厥欲名李贊華所謂東丹王即阿保機長子先歸
朝後除滑州節度使性酷毒侍婢微過即以刀封火灼

夏氏少長宮掖不忍其凶求離婚而韓淑妃伊德妃皆

歸河陽節度夏魯奇家今為尼也北夢瑣言莊宗皇帝嫡夫人韓氏後

居于太原晉高祖反時為契丹所虜尊冊契丹主大張宴席其國母后妃列坐同宴王嬙蔡

為淑妃伊氏為德妃契丹入中原石氏乞降宰相馮道

唐自朱邪得姓而為李氏得國而為晉得天下而為唐

其始出于夷狄而終以亂亡故其世次不可詳見其可

見者曰太祖四弟八子五孫三世而絕太祖四弟曰克

讓克脩克恭克寧皆不知其父母名號克讓少善騎射

為振武軍校從討王仙芝以功拜金吾衛將軍留京師

李氏自憲宗時以部族歸唐唐處之河西嘗遣一子宿

衛京師賜第于親仁坊其後太祖起兵雲中殺唐守將

段文楚唐發兵討太祖遣王處存以兵圍親仁坊捕宿

衛子克讓克讓與其僕何相温石的厯等十餘騎彎弧

躍馬突圍而出處存以千餘人追至渭橋克讓等射殺

百餘人追兵乃止克讓奔于鴈門明年太祖復歸唐克

讓還宿衛京師黃巢犯長安克讓守潼關為賊所敗奔

于南山匿佛寺為寺僧所殺五代史克讓武皇之仲弟也少善騎射以勇悍聞咸

通中從討龐勛以功為振武都校乾符中王仙芝陷荆

襄朝廷徵兵克讓率師奉詔賊平以功授金吾將軍留

宿衛初懿祖歸朝憲宗賜宅于親仁坊自長慶以來相

次一人典衛兵武皇之起雲中殺段文楚朝議罪之命

十餘騎彎弧躍馬突圍而出官軍數千人追之比至渭
橋死者數百克讓復入宿衛黃巢犯闕僖宗幸蜀克讓時守
皇昭雪克讓所敗以部下六七騎伏于南山佛寺夜為山
潼關為賊所敗以部下六七騎伏于南山佛寺夜為山
僧所害克讓既死紀綱渾進通言刃獲免歸于黃巢中
和二年冬武皇入關討賊屯沙苑黃巢遣使米重威齋
賂修好因送渾進通至兼擒送害克讓僧十人武皇燔
偽詔還其使盡誅諸僧為克讓發哀行服悲慟久之
通鑑考異太祖紀年錄初克讓于潼關戰敗避賊南山
隱于佛寺夜為山僧所害紀綱渾進通言刃獲免歸黃
巢賊素憚太祖聞其至也將託情修好捕害克讓之僧
十餘人殺之巢令其將米重威齋重賂偽詔因渾進通
見太祖乃召諸將領其賂燔其偽詔以狗薛史克讓傳
日乾符中以功授金吾將軍云雁門誤也後唐懿祖紀年錄
州此克讓恐當作克用云雁門誤也後唐懿祖紀年錄
日其兄克恭克儉皆伏誅按是時國昌猶自請討克用
朝廷必未誅其子蓋國昌振武不受代後克恭克儉始
被誅薛史又曰明年武皇昭雪云云按國昌以乾符五
年不受代朝廷發兵討之六年克用未嘗昭雪克讓何
從得入宿衛廣明元年國昌父子兵敗逃入達靺其年

冬黃巢陷長安克讓何嘗守潼關戰敗而死于佛寺或
者為朝廷所圍捕時逃入南山佛寺為僧所殺則不可
知也今事既難明故但
云為寺僧所殺而已

克脩字崇遠從討龐勣以功拜朔州刺史太祖鎮雁門
以為奉誠軍使從入關討黃巢為先鋒遷左營軍使潞

州孟方立遷于邢州晉取潞州表克脩昭義軍節度使

通鑑考異實錄克用表李克脩為節度使於是分昭義
軍五州為二鎮薛居正五代史孟方立傳曰潞人陰乞
師於武皇中和三年十月武皇遣李克脩將兵赴之方
立拒戰大敗之由是連收澤潞二郡乃以克脩為節度
使按薛史張全義傳諸葛爽表全義為澤州刺史爽卒
李罕之據澤州蓋克脩止得潞州澤為河陽所敗也

數出山東擊方立又與李罕之攻寇懷孟之間其後太
祖自將擊方立還軍過潞克脩性儉嗇供饋甚薄太祖

大怒詬而笞之克脩慚憤發疾卒

五代史克脩字崇遠武皇從父弟也父德

成初為天寧軍使從獻祖討龐勛以功授朔州刺史克

脩少便弓馬從父征討所至立功武皇節制雁門以克

脩為奉誠軍使從入關為前鋒破黃揆于華陰敗尚讓

于梁田坡蹙黃巢于光順門每戰皆捷勇懾諸軍賊平

授檢校刑部尚書為左營軍使其年十月潞州牙將安

居受來乞師請復昭義軍武皇遣大將賀公雅李筠安

金俊等以兵從與孟方立戰于銅鞮不利武皇乃令克

脩將兵繼進是月平潞州斬其刺史李殷銳乃表克脩

為昭義節度使光啟二年九月呂克脩出師山東收復邢

洛之擒呂臻俘斬萬計進拔武安臨洛諸屬縣乘勝進

圍邢州方立求援于鎮州王鎔出師三萬援之克脩軍

退及李罕之來歸武皇授以澤州刺史與克脩合勢進

攻河陽連歲出師以苦懷孟十月孟方立遣將奚忠信

將兵三萬襲我遼州克脩設伏于遼之東山大敗賊軍

擒忠信以獻龍紀元年武皇大舉以伐邢洛及班師因

撫封于上黨克脩性儉嗇不事華靡供帳饗膳品數簡

陋武皇怒其菲薄笞而詬之克脩慙憤發疾明年三月

卒于潞之府第時年三十一莊宗即位追贈太師通

鑑考異太祖紀年錄太祖遣李罕之李存孝攻邢州十

月且命班師由上黨而歸克脩性吝嗇太祖左右徵賂

於克脩旬日間費數十萬尚以為供帳不豐倚其事笞

克脩而歸太原俄二子嗣弼嗣肱嗣弼為涿州刺史天

而克脩憤恥寢疾

祐十一年契丹攻破涿州嗣弼歿于虜五代史克脩子

次日嗣肱嗣弼初授澤州刺史歷昭義橫海節度副使

改海州刺史天祐十九年契丹犯燕趙陷涿郡嗣弼舉

家被俘遷嗣肱少有膽略從周德威數立戰功為馬步

媯儒武三州拜新州刺史山北都團練使同光元年春

卒于官五代史嗣肱少時兄嗣弼為昭義副使與嗣昭

守城兄弟內外奮戰忠力威壯感動三軍路圍既解以

功授檢校左僕射入為三城巡檢知衙內事天祐七年

周德威援靈夏黨項阻道音驛不通嗣肱奉命自麟州

渡河應接德威與黨項轉戰數十里合德威軍柏鄉之

戰嗣肱為馬步都虞候明年從莊宗會朱友謙于猗氏

改教練使與存審屯趙州擊汴人于觀津時梁祖新屠棗強

十年與存審屯趙州擊汴人于觀津時梁祖新屠棗強

其將賀德倫急攻蔚縣率師五萬合勢營于蔚之西嗣

肱自下博率騎三百薄晚與梁之樵芻者相雜日既晡

入梁軍營門諸騎相合大譟弧矢星發虓闕馳突汴人

不知所為營中擾既歟騎而退是夜梁祖燒營而遁

解蔚縣之圍以功特授蔚州刺史雁門以北都知兵馬

使從平劉守光十二年改應州刺史累遷澤代二州刺

史石嶺以北都知兵馬使十九年新州刺史王郁叛入

契丹嗣肱進兵定媯儒武等三州授山北都

團練使二十年春卒于新州時年四十五

克恭初為決勝軍使克脩卒以克恭代為昭義軍節度

使克脩為人簡儉潞人素安其政且哀其見笞以死而

克恭橫暴多不法又不習軍事由是潞人皆怨克恭選

後院勁兵五百人獻于太祖行至銅鞮其將馮霸以其

徒叛太祖遣李元審討之戰于沁水元審大敗被傷奔

入潞州牙將安居受亦叛殺克恭及元審使人召霸霸

不受命居受懼而出奔行至長子為野人所殺傳首于

霸霸乃入潞州自稱畱後以附于梁五代史克恭武皇

兵之雄勁者克恭選其五百人獻于武皇軍使安居受
惜其兵不悅克恭令裨校李元審安建紀綱馮霸部送
太原行次銅鞮縣馮霸劫衆謀叛殺都將劉杲縣令戴
勞謙循山而南北及沁水有衆三千武皇令李元審將
兵擊之與霸戰于沁水不利充審戰傷收軍于潞五月
十五日克恭視元審于孔目東劉崇之第是日州將安
居受引兵仗攻克恭因風縱火克恭元審並遇害州民
推居受爲畱後初孟方立之亂居受以澤潞歸于武皇
至是孟遷以刑洛納降復任爲牙將居受懼其圖已乃
叛殺克恭以結沁人居受遣人召馮霸于沁水霸不受
命居受懼將奔歸朝廷至長子爲野人所殺傳首馮霸
軍霸乃引軍據潞州自稱畱後求援于汴武皇令康君
立討之汴將葛從周來援霸九月李存孝急攻潞州汴
軍夜遁獲霸等誅之武皇乃以康君立爲昭義節度使

克寧爲人仁孝居諸兄弟中最賢事太祖小心不懈太
祖與赫連鐸李可舉戰雲蔚間後奔達靺入破黃巢克
寧未嘗不從行太祖鎮太原以爲內外都制置蕃漢都

知兵馬使檢校太保振武軍節度使軍中之事無大小

皆決克寧太祖病召莊宗侍側屬張承業與克寧曰以

亞子累公等太祖崩莊宗告于克寧曰兒年孤稚未通

庶政雖有先王之命恐不足以當大事叔父勲德俱高

先王嘗任以政矣敢以軍府煩季父以待兒之有立克

寧曰吾兄之命以兒屬我誰敢易之因下而北面再拜

稱賀莊宗乃卽晉王位五代史克寧武皇之季弟也初

之攻黃花城也克寧奉武皇及諸弟登城血戰三日力
盡備竭殺賊萬計燕軍之攻蔚州克寧昆仲嬰城拒敵
晝夜輟寢食者旬餘後從達靺入關逐黃寇凡征行無
不衛從于昆弟之間最推仁孝小心恭謹武皇尤友愛
之及鎮太原授遼州刺史累至雲州防禦使乾寧初改
忻州刺史從入關討王行瑜充馬步軍都將以功授檢

校司徒天祐初授內外都制置管內蕃漢都知兵馬使
檢校太保充振武節度使凡軍政皆決于克寧五年正
月武皇疾篤克寧等侍疾垂泣辭訣克寧曰王萬一不
諱後事何屬因召莊宗侍側謂克寧張承業曰亞子累
公等言終棄代將發哀克寧初太祖起于雲朔之間所得
驍勇之士多養以為子而與英豪戰爭卒就霸業諸養
子之功為多故尤寵愛之衣服禮秩如嫡諸養子麾下
皆有精兵恃功自恣自先王時常見優假及新王立年
少或託疾不朝或見而不拜養子存顯存實告克寧曰
兄亡弟及古之道也以叔拜姪理豈安乎人生富貴當
自取之克寧曰吾家三世父慈子孝先王土宇苟有所
歸吾復何求也克寧妻孟氏素剛悍存顯等各遺其妻

入說孟氏數以迫克寧克寧仁而無斷惑于羣言遂至

于禍都虞候李存質得罪于克寧克寧殺之而與張承

業李存璋有隙又求兼領大同軍節度使于是幸臣史

敬鎔見太后告克寧與存顯謀執王及太后以降梁五代

史史敬鎔太原人事武皇為帳中綱紀甚親任之莊宗

初嗣晉王位李克寧陰構異圖將害莊宗事發有日矣

克寧密引敬鎔以邪謀論之既而敬鎔白貞簡太后惶

駭召張承業李存璋等圖之克寧等伏誅以功累遷州

郡同光初為華州節度使移鎮安州天成中入為

金吾上將軍期年復授鄧州至鎮數月卒贈太尉莊宗
召承業存璋告之曰季父所為如此奈何然骨肉不可
自相魚肉吾當避賢路以紓禍于吾家承業等請誅克
寧乃伏兵于府置酒大會克寧既至執而殺之五代史

獎勵軍戎多畜庶孽衣服禮秩如嫡者六七輩比之嗣
王年齒又長各有部曲朝夕聚謀皆欲為亂莊宗英察
懼及于禍將嗣位讓克寧曰兒年孤稚未通庶政雖承
遺命恐未能彈壓大事季父勲德俱高眾情推伏且請
制置軍府候兒有立聽季父處分中外之事何憂不辦
在我兒孰敢異議者兒但嗣世中外之事何憂不辦
事之日率先拜賀莊宗嗣位軍民政事一切委之權柄
既重趣向者多附之李存勗所未安富貴功名當宜自
弟及古今舊事季父拜姪理曰公毋得不祥之言我家
立天與不取後悔無及克寧曰知名苟吾兄山河有託我
世立功三代父慈子孝天知以徇克寧雖慈愛因心而
亦何求公無復言必斬爾首以徇克寧雖慈愛因心而
日為兇徒惑亂羣兇之妻復以言干克寧妻孟夫人
說激百端夫亂人懼事泄及禍屢讓克寧由是愈惑會克
寧因事殺都虞候李存質又請兼領大同節度以蔚朔
為屬郡又數怒監軍張承業李存璋絲是知其有貳近
臣史敬鎔素與存顯善盡知其事敬鎔告貞簡太后曰
存顯與管內太保陰圖叛亂俟嗣王過其第即擒之并
太后子母欲送于沐州竊發有日矣莊宗召張承業李
存璋謂曰季父所為如此無猶子之情骨肉不可自相

魚肉吾即避路則禍亂不作矣承業曰老夫親承遺託
言猶在耳存顯輩欲以太原降賊王乃何路求生不即
討除亡無日矣因令吳珙于坐莊宗垂泣數日二十日會
諸將于府第擒存顯克寧棄先人遺命今已事定復欲
以軍府讓季父季父不忍何忍此心克寧泣對曰蓋讒
以交子母投畀豺虎季父不忍何忍此心克寧泣對曰蓋
夫交構吾復何言是日與存顯俱伏法克寧仁而無斷
故及于禍史臣曰昔武皇發跡于陰山莊宗肇基于河
朔雖奄有天不而享國在淺眷言枝屬空秀棣華固未
及推帝堯敦敘之恩廣成王封建之義自克讓而下不
獲就魯衛之封懋間平之德也況天橫相繼亦良可悲
哉及通鑑初晉王克用多養軍中壯士為子寵遇如真
子及晉王存勗立諸假子皆年長握兵心快不伏或
託疾不出或見親王不拜李存勗終弟及自古有之以
之假子李存顯陰說克寧曰兄終弟及克寧曰吾家世以
拜姪于理安乎天與不取後悔無及克寧曰吾家世以
慈孝聞天下先王之業苟有所歸吾復何求汝勿妄言
我且斬汝克寧妻孟氏素剛悍諸假子各遣其妻入說
孟氏孟氏以爲然且慮語泄及禍數以迫克寧克寧性
怯朝夕惑于眾言心不能無動又與張承業李存璋相

失數誚讓之又因事擅殺鄧虞侯李存質又求領大同
節度使以蔚朔應州為巡屬晉王皆聽之李存顯等為
克寧謀因晉王過其第殺承業存璋奉克寧為節度使
舉河東九州附于梁執晉王及太夫人曹氏送大梁太
原人史敬鎔少事晉王克用居帳下見親信克寧欲知
府中陰事召敬鎔密以謀告之敬鎔陽許之入告太夫
人太夫人召大駭召張承業指晉王謂之曰先王把此
臂授公等如闕外間謀欲負之但置吾母子有地勿送
大梁自它不以累公承業惶恐曰老奴以死奉先王之
命此何言也晉王以克寧之謀告且曰至親不可自相
魚肉吾苟避位則亂不作承業曰克寧欲投大王母
子于虎口不除之豈有全理乃召李存璋吳琪及假子
李存敬長直軍使朱守殷使陰為之備壬戌置酒會諸
將于府舍伏甲執克寧存顯于座晉王流涕數之曰兒
曷以軍府讓叔父叔父不取今事已定奈何復為此謀
忍以吾母子遺讎仇乎克寧曰此皆讒人交構夫復何
言是日殺克寧及存顯

太祖子八人莊宗長子也曰存美存霸存禮存渥存

又存確存紀同光三年十二月辛亥詔封存美等七人

為王蓋存霸存渥存紀與莊宗同母存美存又存確存

禮不知其母名氏號位存美封邕王存霸永王存禮薛

王存渥申王存又睦王存確通王存紀雅王五代會要

第二子存美邕王第三子存霸永王第四子存禮薛王

第五子存渥申王第六子存又睦王第七子存確通王

第八子存紀雅王並同存又歷建雄保大二軍節度使

五代史睦王存又莊宗第五弟同光三年封娶郭崇韜

女是時魏州妖人楊千郎用事自言有墨子術能役使

鬼神化丹砂水銀莊宗頗神之拜千郎檢校尚書郎賜

紫其妻出入宮禁承恩寵而士或因之以求官爵存又

及存渥等往往朋淫于其家及崇韜被族莊宗遣宦官
陰察外議以為如何而宦官因欲盡誅崇韜親黨以絕
後患乃誣言存父過千郎家酒酣攘臂號泣為婦翁稱
冤言甚怨望莊宗大怒以兵圍其第而族之并誅千郎
北夢瑣言莊宗異母弟存父以郭崇韜女壻伏誅先是
郭崇韜既誅之後朝野駭惋議論紛然莊宗令閹人察
訪外事言存父于諸將坐上訴郭氏之無罪其言怨望
又于妖術人楊千郎家飲酒聚會攘臂而泣楊千郎者
魏州賤民自言得墨子術于婦翁能役使陰物帽下召
食物果實之類又蒲博必勝人有拳握之物以法必取
又說鍊丹乾汞易人形破扇鏞貴要問神奇之官至向
書郎賜紫其妻出入宮禁承恩用事皇弟存父常朋淫
于其家至是與存霸歷昭義天平河中三軍節度使五
存父同罹其禍存霸歷昭義天平河中三軍節度使五
史張敬詢勝州金河縣人世為振武軍牙校祖仲阮歷
勝州刺史父漢環事武皇為牙將敬詢當武皇時專掌

甲坊十五年以稱職聞復以女為武皇子存霸妻益見
親信莊宗即位以為沁州刺史秩滿復用為甲坊使莊
宗經略山東敬詢從軍歷博澤慈隰四州刺史同光末
授耀州團練使郭崇韜之征蜀也以敬詢善督租賦乃
表為利州留後明宗即位正授昭武軍節度使天成二
年詔還京師復授大同節度使至鎮招撫室韋萬餘帳
四年徵為左驍衛上將軍明年授滑州節度使以河水
連年溢隄乃自酸棗縣界至濮州廣隄防一丈五尺東
西二百里民甚賴之三年存渥義成天平二軍節度使
秩滿歸京卒輟視朝一日存渥義成天平二軍節度使
皆居京師食其俸祿而已五代史永王存霸武皇子莊
宗第同光三年封莊宗
敗為軍卒所殺申王存渥莊宗第四弟同光三年封莊宗
年封莊宗敗與劉皇后同奔太原為部下所殺趙在禮
作亂乃遣存霸于河中李嗣源兵反嚮京師莊宗再幸
汜水徙存霸北京畱守存渥河中節度使宣麻未訖郭
從謙反攻興教門存渥從莊宗拒賊莊宗中流矢崩存

渥與劉皇后同奔于太原行至風谷為部下所殺北夢

趙在禮作亂諸將擁明宗入闕未到間從馬直郭從謙

攻與教門帝母弟存渥從上戰及宮車晏駕存渥與劉

皇后同奔太原至存霸聞京師亂亦自河中奔太原比

風谷為部下所殺

至麾下皆散走惟使下廉從奔不去存霸乃翦髮衣僧

衣謁苻彥超曰願為山僧冀公庇護彥超欲畱之為軍

衆所殺通鑑存霸至晉陽從兵逃散俱盡存霸削髮僧

服謁李彥超願為山僧幸垂庇護軍士爭欲殺

之彥超曰六相公來當奏取進止軍士不聽殺之于府

門之碑下北夢瑣言存霸先除北京畱守亦自河中

至太原兵衆請殺存霸以安人心苻彥超不能禁時

存霸已翦髮衣僧衣謁彥超願為山僧竟不免也存

紀存確聞郭從謙反奔于南山匿民家明宗詔河南府

及諸道諸王出奔所至送赴闕如不幸物故者收瘞以

聞存紀等所匿民家以告安重誨重誨謂霍彥威曰二

王逃難主上尋求恐其失所今上既監國典喪此禮如

何彥威曰上性仁慈不可聞奏宜密為之所以安人情

乃即民家殺之五代史通王存確莊宗第六弟雅王存

紀莊宗第七弟同光三年封莊宗敗並為霍彥威所殺北夢瑣言存紀存確匿于南山民家

人有以報安重誨重誨曰主上已下詔尋訪帝之仁德

必不加害不如密旨殺之果併命于民存美素病風居

家後明宗聞之切讓重誨傷惜久之

太原與存禮皆不知其所終五代史邕王存美武皇子

莊宗敗不知所終薛王存禮武皇子同光三年封莊宗敗不知所終

莊宗五子長曰繼岌其次繼潼繼嵩繼蟾繼曉五代史

子繼岌魏王同光元年四月中書門下奏皇子准故事

十三日封為魏王繼潼繼蟾繼嵩繼曉皆皇子繼岌母也同光三年二月勅並可光祿大夫檢校司徒

曰劉皇后其四皆不著其母名號莊宗即位繼岌為北

都畱守五代史魏王繼岌莊宗子也莊宗即位于魏州以繼岌充北都畱守及以鎮州為北都又命為

畱判六軍諸衛事遷檢校太尉同中書門下平章事豆

盧革為相建言唐故事皇子皆為宮使因以鄴宮為興

聖宮以繼岌為使同光三年封魏王通鑑同光三年九月乙未立皇子繼

岌為是歲伐蜀以繼岌為西南面行營都統郭崇韜為

都招討使工部尚書任圜翰林學士李愚皆參軍事九

月戊申將兵六萬自鳳翔入大散關軍無十日之糧而

所至州鎮皆迎降遂食其粟至興州蜀將程奉璉以五

百騎降因以其兵脩閣道以過唐軍王衍將兵萬人屯

利州分其半逆戰于三泉為先鋒康延孝所敗衍懼斷

吉栢江浮橋奔歸成都唐軍自文州間道以入十月已

酉繼岌至綿州衍上牋請降丙辰入成都王衍乘竹輿

至昇仙橋素衣牽羊草索繫首肉袒銜璧輿觀羣臣衰

經徒跣以降繼岌下而取璧崇韜解縛焚櫬自出師至

降衍凡七十五日兵不血刃自古用兵之易未有如此

五代史三年伐蜀以繼岌為都統郭崇韜為招討使十月戊寅至鳳州武興軍節度使王承捷以鳳興文扶四

州降甲申至故鎮康延孝收興州時偽蜀主王衍率親軍五萬在利州令步騎親軍三萬逆戰于三泉康延孝

李嚴以勁騎三千犯之蜀軍大敗斬首五千級餘皆奔潰王衍聞其敗也棄利州奔歸西川斷吉栢津浮橋而

去已丑繼岌至興州僞蜀東川節度使宋光葆以梓潼
劍龍普等州來降武定軍節度使王承肇以洋蓬壁三
州符印降興元節度使王宗威以梁開通渠麟等五州
符印送降階州王承岳納符印秦州節度使王承休棄
城而遁辛丑繼岌過利州戊申至劍州己酉至綿州王
衍遣使上牋乞降丁巳入成都自興師出洛至定蜀止
七十五日走丸然繼岌雖爲都統而軍政號令一出崇
之勢前代所無

韜初莊宗遣宦者供奉官李從襲監中軍高品李延安
呂知柔爲典謁從襲等素惡崇韜又見崇韜專任軍事
益不平之及破蜀蜀之貴臣大將自王宗弼以下皆爭
以蜀寶貨妓樂奉崇韜父子而魏王所得匹馬束帛唾
壺塵柄而已崇韜日決軍事將吏賓客趨步盈庭而都
統府唯大將晨謁衙門闐然由是從襲等不勝其憤已

而宗弼率蜀人見繼岌請畱崇韜鎮蜀從襲等因言崇
韜有異志勸繼岌爲備繼岌謂崇韜曰陛下倚侍中如
衡華尊之廟堂之上期以一天下而制四夷必不棄元
老于蠻夷之地此事非予敢知也莊宗聞崇韜欲畱蜀
亦不悅遣宦者向延嗣趣繼岌班師延嗣至成都崇韜
不出迎及見禮益慢延嗣怒從襲等因告延嗣崇韜有
異志恐危魏王延嗣還具言之劉皇后涕泣請保全繼
岌莊宗遣宦官馬彥珪往視崇韜去就是時兩川新定
孟知祥未至所在盜賊亡聚山林崇韜方遣任圜等分
出招集恐後生變故師未卽還而彥珪將行見劉皇后

曰臣見延嗣言蜀中事勢已不可禍機之作間不容髮安能三千里往復稟命乎劉皇后以彥珪語告莊宗莊宗曰傳言未審豈可便令果決皇后不得請因自為教與繼岌使殺崇韜明年正月崇韜畱任圜守蜀以待知祥之至崇韜期班師有日彥珪至蜀出皇后教示繼岌繼岌曰今大軍將發未有釁端豈可作此負心事從襲等泣曰今有密勅王苟不行使崇韜知之則吾屬無類矣繼岌曰上無詔書徒以皇后手教安能殺招討使從襲等力爭繼岌不得已而從之詰旦從襲以都統命召崇韜繼岌登樓以避之崇韜入升階繼岌從者李環搥

碎其首繼岌遂班師二月軍至泥溪先鋒康延孝叛據

漢州繼岌遣任圜討平之四月辛卯至興平聞明宗反

兵入京師



王氏見聞錄後唐莊宗世子魏王繼岌伐蜀迴軍在道而有鄴都之變莊宗與劉后命內

臣張漢賓齋急詔所在催魏王歸闕張漢賓乘驛倍道急行至興元西縣逢魏王宣傳詔旨王以本軍方討漢州康延孝相次繼來欲候之出山以陳凱歌漢賓督之有軍謀陳岷比事梁與漢賓熟密問張曰天子改換且是何人張色莊曰我當面奉宣詔魏王況大軍在行談何容易陳岷曰久忝知聞故敢諮問兩日來有一信風新人已卽位矣復何形迹張乃說來時聞李嗣源過河未知近事岷曰魏王且請盤桓以觀其勢未可前邁張以莊宗命嚴不敢遷延督令繼岌欲退保鳳翔至武功進發魏王至渭南遇害矣

李從襲勸繼岌馳趨京師以救內難行至渭河西都畱守張籛斷浮橋繼岌不得渡乃循河而東至渭南左右



皆潰從襲謂繼岌曰大事已去福不可再王宜自圖繼岌徘徊泣下謂李環曰吾道盡途窮子當殺我環遲疑久之謂繼岌乳母曰吾不忍見王王若無路求生當蹈面以俟繼岌面榻而臥環縊殺之五代史師回至渭南聞莊宗敗師徒潰散自縊任圜從後至葬繼岌于華州之西南繼岌少病闕無子明宗已即位圜率征蜀之師二萬至京師明宗撫慰久之問圜繼岌何在圜具言繼岌死狀同光三年詔以皇子繼嵩繼潼繼蟾繼曉皆為光祿大夫檢校司徒蓋其皆幼故不封當莊宗遇弒時太祖子孫在者十有一人明宗入立其四人見殺其餘皆不知其所終五代史繼

潼繼嵩繼蟾繼曉並莊宗子同光三年拜光祿大夫檢校司徒未封莊宗敗並不知所終清異錄唐福慶公主下降孟知祥長興四年明宗晏駕唐室亂莊宗諸兒削髮為苾芻間道走蜀時知祥新稱帝為公主厚待猶子賜子太祖之後遂絕原注梁唐家人傳皆先兄弟而干計太祖之後遂絕後諸子兄弟之子各從其父此理之常也至莊宗七弟所書事迹不以長幼為次者各因其死之先後而書之便于述事爾無定法也



五代史記卷第十四
唐家人傳

五代史記卷第十四



70J18439

